


UBULUBULO MU KUPWILILIKA, MU KUSANGALALA

 Ndi uwansansa muno bushiku, nakabili, pakumiposha mwi Shina lyakwa Shikulwifwe umusuma Yesu, uwabuka Umwana wakwa Lesa. Kabili u Kubapo Kwakwe pano epo kuli kale ilyo Njishile muno, eico tulesubila ukumona ificililepo, ifingi, “pafintu fyonse ifyo twingacita nangu ukutontonkanya,” muno bushiku, ukutila Lesa alatupongolwela, amapalo Yakwe, nokukusha Yesu Kristu pakati kesu.

² Nalelanda munshita ishabushiku shibili ishafumako. . . Pa Mulungu ubushiku Ndetontonkanya twalikwete ukulongana kwakundapa, kabili pali Cimo ubushiku Naleshimikila. Kabili nokupela. . . Ukutampa isambililo, pa Mulungu ulucelo, mwiHEMA. Kabili Natontonkenye, ilyo twaikele tulelolola abantu ukuti abantu bekale bwino, Kuti nacita ifyo imyumfwile yandi ilefwaya. Ndi. . .

³ Bumo muli ishi nshiku, nga Lesa asuminisha, kabili aafwilisha, Ine kuti natemwafye ukukwata imisonkano iingi uko imwe—imwe tamu. . . ukwingilamofye nokushimikila nangu ukufunda Amalemba, nokwita abantu kucipailo, nokuya kucipailo nokupepelako abantu, kabili nga fintu ifwe ba Baptisti abakale twalecita. [Umo umuntu atila, “Ameni.”—Kale.] Niba Baptisti fye babili Naumfwilepo baletila, “Ameni.” Eico nipesa apo bonse mubebele, muno bushiku?

Umuntu umo atile, “Munyina Branham, bushe wali Baptisti?”

Naile, “Ee,” Efyo Natile.

⁴ Naleshimikila kuno ku Arkansas, inshita imo. Umuntu umukote, alyundepwe. Ena aali. . . bena balikwete. . . Ena aali mu Nazarene. Apapile inkonto shakwe panuma yakwe, ubushiku bwakonkelepo, aleya alepita mumusumba, ne—necishibilo pali ena icaletila, “Lesa alimfumishe pali ici, mailo ubushiku.” Kabili aali uwalemana nganshi. Cali ni mu Little Rock. Kabili ena aali mulli ulya musango pamyaka ingi. Kabili umuntu onse alimwishibe, pantu ena alepitana, kabili alikwete icisote cakwe ico alebika panshi, nokushitisha amapensulo ukufuma mucisote. Kabili umuntu onse alimwishibe, eico cena catampilefye, calicitile icintu icikalamba mumusumba.

⁵ Kabili inshita shabushiku ishinono panuma ya ico, Naleshimikila, kabili—kabili aishileima. Atile, “Pali miniti fye, Munyina Branham, bushe kuti wasakamana nga cakuti Nakwipushako icintu cimo?”

Natile, “Iyo, mukwai.”

⁶ Kabili atile, “Ukuba,” atile, “ilyo—ilyo Nakumfwile uleshimikila, Naishibe ukuti iwe wali umu Nazarene.” Atile, “Nomba Namwene abantu bonse ba Pentecosti kuno, kabili umuntu umo anjebele ukutila iwe wali Pentecosti.” Atile, “Nacikumfwa walanda, pakashita akapitapo, ukutila wali waku Baptisti.” Atile, “Nimfillwa ukucumfwa bwino.”

⁷ Natile, “Ukuba, ico cintu caanguka. Ndi Pentecosti Nazarene Baptisti.” Ico nacilungama. Ico naciluingama. Ifwe tuli fye . . . ukucetekela.

⁸ Oh, mwebacibusa, Nshaba membala wacilonganino icili conse icachalichi, kabili nomba Naba kuli cila umo uwa bena. Ilyo Natendeke ukulanda pali ici, Natile, “Kristu e mutwe wandi. Iyi Baibele e buuku lyandi ilya masambililo. Kabili isonde e chalichi candi.” Eico, ico—eco Ndefwaya ukuba mpaka Nkafwe.

⁹ Nomba, munshita yabushiku imo nangu shibili, ifwe twalaesha ukutampa ukulongana kwakundapa nakabili, ilyo twakwata . . . Pantu, ukumona aya masanshi namacila ayali pano, Ndefwaya ukumonapo icintu cimo. Ndi uwakabila nganshi pacintu cimo ukucitika kuno mu Louisville, Kentucky, pantu ino e ncende yandi iyakumwesu.

¹⁰ Nshatala kwatapo ukulongana ukusuma, uko mwita ukulongana ukusuma, mu Kentucky. Kabili Nshilepilibula ico nokuseka ukuli konse. Na—Nalikwete ukwinge ukwabipa, incende ishingwi. Lelo, Ndepilibula, muno mwine mumwesu, cintu cakosa nganshi. Ine . . . cintu cakosa nganshi ukucilondolola. Nshishibe umulandu. Lelo Ndemona nipamulandu wakutila Yesu atile, “Mucalo cobe,” kabili ifyo cena cikaba, ico nalimo e—e musango cena cabelamo. Lelo tatwamona ifipasha mano ifingi ifyapulamo.

¹¹ Nalikwete ukulongana kuno, nalimo umwaka nangu ibili iyapitapo, mu Jeffersonville, lelo cacitike ukutila namayo afumine kumulu kuno ku Kentucky kuncende imo. Alisangwike ibumba, kwati, ukufuma kumolu ukuya panshi; ukufuma pamusana ukuya kumolu, nangula. Kabili ena—ena taleenda, pamyaka ikumi limo na cinelubali. Mwebengi imwe eko mwali kulya ilya nshita yabushiku, kabili mulebukisha umulandu. Kabili aishile ima nokwenda ukufuma mwihema, nga lyonse.

¹² Nomba, kuti Natemwa icintu cimo ukutendeka muno mu Louisville, uko Nalemona ukupuputulwa ukwakale kwapita muukalamba umusumba uusuma muno.

¹³ Musumba nga imisumba iyashala yonse; yaba iibifi nga fintu ayashala yengaba. Namwishiba ukutila ico cishinka. Ine nshilecena umwina Kentucky; pantu, Ndi mwina Kentucky, naine. Cisuma. Lelo cena—cena cishinka. Cena cintu cabipa. Ino encende eko amawiski yonse nabayapanga bafuma, namano

yabipa nefintu fyonse, kwati, ficitikafye monse mu Louisville, mu Kentucky kuno, kanshi kuno ecipuna cakwa Satana.

¹⁴ Lelo ifwe kuti twautoba mutupimfya ne Mbila nsuma yakwa Yesu Kristu, nga ifwe bonse kuti twaisa capamo. Ico nacilungama. Tulingile ukwampanya amaka yesu capamo nokusunka.

¹⁵ Inshita iyapitapo, kabila wambila nsuma uwalumbuka nganshi mucalo aali, atile, ukulanda palwa kulongana muno. Atile, “Ukuba, ici apa eflyo caba.” Atile, “Ilyo Naya mu musumba, ifintu fyonse mucalo filingile ukulipilila ukulongana kwandi nga teifyo ninshi Nshaye. Ico nacilungama. Ukuba, tontonkanyeni fye. Ndetontontokanya mwaba nalimo amakumi mutanda nangu cine lubali amachalichi yaba Baptisti ayakulu mu Louisville. Mwamona? Nga palwa ba Methodist? Kabili musumba waba Methodist; Asbury alesa kuno. Ni cinshi ico uyu muntu engakwata nga ena aisa kuli uyu musumba, kanofye ba Methodist naba Baptisti, cicile ba Presbyteriani nabonse?”

¹⁶ Nomba niyanaga amachalichi ya Mbila yapwililika yaba muno mumusumba? Ama minshoni yabili nangu yatatu ayanono kuno pa cifulo cimo, machalichi ayanonofye, apa napo, kabili baliba pankondo umo nomunankwe.

¹⁷ Eico ilyo mwaingila, imwe mulingile ukwiminina pamaka yabupyungishi bwenu. Ico nacilungama. Kabili nangu ni . . . umuntu onse aba kwati fikansa fya calo ifyo ifileisamo. Caba pamaka yabupyungishi bwenu, ukubula pafyo Shikulu ali nokutuma. Natemwa ukuti cingaba munshila iyo. Munyina, nga cakuti Yesu Kristu tebwikalo bwandi pano, neshintililo, ninshi Nshakwata icintu cimbi ico ningashintililapo. Ico nacilungama. Ena . . . Pali Kristu, Icilibwe icakosa, apo Naiminina; imishili yonse iyashala misensenga ibila, kuli ine. Kuti natemwa ukushimikila kubantu basano abo Naishiba ukutila Lesa alintumine kukumfwa i Mbila, ukucila ukushimikila kumakana ikumi abo abali mufikansa fyacalo abaingile muli cena. Ico nacilungama.

¹⁸ Kuti namonapo ukupilibulwa ukwakale, ukuya kucipailo nokulila nukucita ati boo-hoo inshita yonse, ukucila ukumona amakana ikumi ukwiminina, ukutilafye, “Ukuba Ndi noku Ceshako.” Uku Ceshako? Ena te Kristu wakwasha. Ena ni Umo uwakupokelela. Kuba nomweo nangu ukufwa, ukwibila nangu ukunwena, uku Musenda ifyo fine. Ico nacilungama.

¹⁹ Nga Napepa, napepelako abantu amakana ikumi muno bushiku, kabili bonse bafwa mulucelo; mailo ubushiku Nkabwela kuno mukupepela abalwele, ukucetekela ukutila i Cebo cakwa Lesa calilungeme. Ico nacilungama.

²⁰ Nga Nalefwa; kabili abantu amakana yasano bafwile imyaka umwanda umo iyapitapo, kabili bali mu Muyayaya uyo panshita itali, balibukile nokwisa pesonde, kabili batila, “Munyina

Branham, wiesha ukusubila muli Cena. Ena tali uwalungama. Mwisubila muli Cena. Ifwe—ifwe twali Mucetekele, twalile; twalifililwe.”

²¹ Kuti natila, “Lekeni mfwe muli Yesu Kristu.” Ico nacilungama. Nalicetekela Ico. Kabili ulya mutima wandi onse, ifintu fyonse fyabikwafye muli Ico. Kabili Nalicetekela Cena nomutima wandi onse, kabili Nshintilila pali Ena.

²² Kabili Nalitemwa abantu Bakwe. Nalitemwa, abekashi banensu abamu Bufumu bwakwa Lesa. Kabili Ndefwaya ukwikala icipeya necipeya naimwe, nokumfwa icisendo.

²³ Nomba, muno bushiku; Ndepela, mailo ubushiku, Naciba nokulanda pakashita akanono muno bushiku, Shikulu nga asuminisha. Nshilefwaya ukumisunga inshita iitali, ukuminasha, pantu tuleenekela . . .

²⁴ Ninkwata icapala nga inkongole kucinso cakwa Shikulu kuli uku kulongana. Kabili Ndesubila Lesa ukucita icintu cimo ico icili ukutendeka kwakulongana ukwingi muno mwine mumusumba. Pepeni, citeni iciputulwa cenu; lyena, ilyo Ubupingushi bwaisa, ifwe bonse kuti twaiminina nokutila twalicitile iciputulwa cesu.

²⁵ Mu chapitala 20 iya Kufuma, nokutendeka pa versi 7, Ndefwaya ukulandafye panshita iinono, nga cakuti Lesa asuminisha, pacintu cimo . . . ukuba, Ine kuti natila, tesambililo ilikalamba, lelo u—isambililo ilisuma. Pa Mulungu wafumineko, pesukulu lyapa Mulungu pehema lyapa Jeffersonville, twatampile, pa, “ubulubulo ku Mulopa.”

²⁶ Kabili ici pano ico Ndeesha ukucita, nga mulefwaya ukwishiba umulandu Ndecitila ici pano. Mwebengi mutila tamwamonapo ndeshimikila mukulongana kwakundapa, lelo kulaba umulandu. Ndetontonkanya, nga kuti Nalenga imyeo ukushininwa nokwisa kucipailo, lyena kuti Nasanga ububile na Lesa kuli Louisville, ico nacilungama, ilyo abantu icine cine baisa kuli Lesa nokupepa.

²⁷ Kabili, lyena, kuliko abengi muli imwe, mwebacibusa, abo abalepepa, abalefunga, nomwensu ukwikatilila ifyo mulepepelapo. Ico nacilungama. Mwamona? Ukuba, cena tacamicitile icisuma ukuleka ukulya nokupepa, kanofye mwakwata imilimo imo iyauya na cena. Icicetekelo cenu conse, mwisonde, tekuti cimicitile icisuma nangu panono epali mwafumapo palya, nokulolenkana naco, nokucibula. Epelafye. Mulingile ukuya pantanshi. Mulingilefye ukutampwilafye kunse nokucicita, nangu cingaba ifyo. Ilyo walomba icili conse, kabiye uyecisenda. Lesa atile cena cobe, eico wisenda icintu nangu cimo icinonopo. Senda ico walombele. Mukacite ico, mukamone ifyo cikesaba. Ee. Mwikesha—mwikesha ukubwelela kunuma, “Ukuba, Nalasenda ica cibili.”

28 Ndi nokusenda icantanshi. Lesa alindaya, intanshi, ico eco Ndefwaya. Kabili pali iyi myaka amakumi yabili na itatu Nali Mubombela, Alimpela ilya ncende. Kabili Ine... Kabili ilyo lyonse Na Mucetekela noku Mutemwa, kabili Alintemwa, cikabafye muli uyo musango pantu Aliba uwashingamwa ku Cebo Cakwe. “Conse ico ulekabila, ilyo wapepa, cetekela ukutila naucipokelela, ukacipokelela.” Ifyo eflyo Alandile. Bushe ico nacilungama? [Ulukuta Iwatila, “Ameni.”—Kale.] Ico cisuma. Cisuma.

29 Nalitemwa ukumyufwa ukutila, “Ameni.” Namwishiba, Nkashi Hoover, *ameni* cipilibula “cibe ifyo fine,” kuli ine, namwishiba. Kabili Ine—Ine ndalanda, Nshumfwa nangu umo ukutila “ameni,” Nda—Ndasunguka.

30 Kuno inshita imo akale Naleshimikila muchalichi cinono, kabili—kabili Nalifye... Oh, Nshakwata imisango iisuma iyingi iyamucintamba, ukulingana na, Ndemona, amasambililo yafyabulesa aya bulya bushiku, eico Ndemona ukutila Naishileba uwabula ukutekwa. Kabili Ndetontokanya Nalitolweke pa fya-... pa intamba, nga *ifi*, kabili nabulile icisoselo mukuboko kwandi, nokwikala palya, namolu yandi yalepelela, nokushimikila apo Ningapelela. Naishilebwelela mubuntu; Nshaishibe ico Nalecita. Mumaminiti ayanono, Nalishile luba nakabili, kabili Naishileisanga panshi pakati kanshila, ndepeta amatoloshi yandi. Nshaishiba umulandu, lelo Nali mucine cine... Nga Nalitemenwe ukwikala kulya pakashita. Ico e cintu cimo ico Ningatemwa ukulanda. Cali kuncende imo uko Naleipakisha mucine. Naikelefyeye naco panshiku ishingira panuma yaico.

31 Kwaliko umuntu uwaishile kuli ine, kabili atile, “Ntile,” atile, “kuti uleshimikila shani, kabili abantu bonse baletila, ‘Ameni?’”

Natile, “Ico eci nenga ukushimikila.” Ee.

32 Nalikwete imbwa iikote. Nalelunga tuchanga nayo. Ndecetekela Nalikwata bacibusa abengi mu Kentucky abatemwa ukulunga bacanga. Eico... Kabili yalefwaya mufimuti fyonse ifyalimo, nokucisenda, kanofye skanka; kabili tayalefwaya ukupalaminako kuli yena. Nomba, yaleitamfya nokuya fisama panshi yamupili wafimpusa. Kabili icintufye cimo ico Nali nokucita, Nshalefwaya ukuba pesamba palya panuma ena ayapo, Nali uwashininkisha. Eico icintufye ico Nalecita, kwimayafye ifimpusa, nokumupampansa nokubilikisha ukutila, “Mwikate, mune! Mwikate!” Kabili yaleya nokuyaikata skanka.

33 Nomba skanka uwabipisha uo Naishiba niciwa. Kabili nga mulefwaya ukupampansa panono, mulebilibikishafye ukutila “ameni” nga papita akashita. Kabili Ine—Ine... Ifwe twalamusunkanya, panuma yakashita, nokuya mukumusenda. Mwamona?

³⁴ Namwishiba, Umunandi umukote Robinson, mwebengi mwalyumfwa pali ena. Bushe tamwamumfwapo? Ku chalichi ca Nazarene. Atile, “Shikulu,” atile, “mpeleni umongololo ngo mulando. Mpeni ukwishiba ukwingi kumpela ya mweo wandi. Kabili lekeni ndwe naciwa ilyo lyonse Nakwata ilino limo, elyo kabili nokumusuma mpaka Nkafwe.” Ndetontonkanya ico cisuma. . . Kabili ifyo eflyo acitile. Ifyo eflyo acitile; kulya, mupepi nemyaka yakufyalwa umwanda umo, kabili acili aleshimikila i Mbila nsuma.

³⁵ Ndbomfwa balya abakale baleshimikila nga ifyo. Ubushiku bumbi, Naishile isula kumulabasa, kabili munyina umukote, uweshina lya Mordecai F. Ham, mupepi ne myaka umwanda umo, acili aleshimikila i Mbila nsuma. Natile, “Lesá, mupaleni, kabili lekeni akakwate intanda mucilongwe cakwe ilyo akafika Kulya.” Munyina Ham, Namwishibafye panono. Umo pali ishi nshiku, Ndefwaya ukumukumanya ilyo talaya kwishilya, ku Calo. Kabili, eico, ena kuti aposhanya muminwe nabantu abengi Kulya. Ninjishiba ukutila alikwata abengi abakuposhanya nabo ilyo afika Kulya, oh, pantu incenshi yakale.

³⁶ Shikulu amipale nombá. Kabili nombá, ilyo tatulaingila muli ici Cebo, lekeni twipushe Kalemba ukwisa panshi noku Cisokolola kuli ifwe.

³⁷ Shifwe uwa mu Myulu uwacikuku, twapalama kuli Imwe, muno bushiku, muli lilya ilyawama, i Shina ilyawamisha ilya Mwana Wenu, Yesu; ukuyebelela imembu shesu, ukutila tatuli abalinga ukulanda Ishina Lyakwe ilya mushilo. Pantu mu. . . Ulupwa lonse ulwa mu Muulu lwainikwa “Yesu.” Ulupwa lonse pesonde lwainikwa “Yesu.” Kabili muli lilye Shina ikufi lyonse likafukama, kabili ululimi lonse lukalumbula kuli Cena, nga cakutila bena babembu nangu abamushilo. Kanshi, ilyo twalanda mwi Shina Lyakwe, ifyo tulingile ukututuma mumitima yesu, nakatina, ilyo tulelanda. Eico twalombela mwi Shina Lyakwe, nakatina, ukutila Mwalaisa kuli ifwe muno bushiku, Shikulu.

³⁸ Ifwe tuli pano pakati ka musumba ukalamba, nemisango yonse iyakuipela ukutila Satana alenga abantu ukuba abakakwa nganshi, mu makwebo yabo, mukuteya injuka kwakwe, nabucilende, wiski, nafwaka. Kabili, O mwe Lesá, kabili nabakapyunga abengi, mucintamba, bacilekafye capita kwati nicimo pafintu ifyaseka.

³⁹ Lelo, Lesá, tupeni ishiwi lya kusoka, ukutila tuleshimikila i Mbila nsuma iyaololoka kabili iyacine, bikeni isembe pamushila wacimuti, lekeni utupimfya tuponene konse uko tuli nokuponena. Lelo twafweni, Shikulu, ukulanda ubupingushi pafintu fyamusango ngoyo, nokushimikila i Mbila nsuma iya Mwana Wenu uwatemwikwa, Yesu.

40 Mwe Lesa, peleni icintu cimo ukucitika ico icili nokusunkanya uno musumba ku Bufumu bwakwa Lesa. Ukutula, nangu machalichi, ayo ayaba mufifutu, nabamembala abanono, Mwe Lesa, lekeni yalya amachalichi yesushe nokufumya ubusuma, abantu abanshita yakale, abantu abamushilo, abafyalwa cipya cipya. Cipeleni, Shikulu. Kabili lekeni tupokelele ukupuputulwa, ukwanshita yakale, ukupuputulwa ukwatumwa na Lesa ico cikatenkanafye ukufuma kulubali lumo ulwa musumba ukuya kulubiye, ukufumyapo ubunkalwe bonse. Mwe Lesa, mwitupela ukulongana ukwa kucingilila. Tupeleni ukupuputulwa ukukesala amayanda bapangilamo ubwalwa, ukukalungika ifintu; nokulenga abantu ukwisa, ilyo nyenjele yachalichi yalila, nokuya kucipailo nokupepa ilyo kakumba talashimikila, nokuba abaaiteyanya. Mwe Lesa, peleni cena.

41 Nomba, muno bushiku, nalimo muli abalwele muno, Taata. Kabili ilyo tulelanda pabalwele, nangu pabalwele, pamo, lekeni Mupashi wa Mushilo ondape umuntu onse umulwele mucikulwa. Pususheni umubembu onse. Bwesheni, kung'anda, onse uwabwekela inuma uwafuma munshila abwele.

42 Kabili nomba lekeni Mupashi wa Mushilo abe Uyo uuntungulwile kuli ili isambililo, muno bushiku. Kabili lekeni Asende ifintu fyakwa Lesa nokubomfya ye umubomfi Wakwe pano nge cibabelo, kabili lekeni Lesa apokelele ubukata. Pantu twalombela cena mwi Shina Lyakwe. Ameni.

43 Mu versi 7 iya chapitala 20 iya—iya Mpendwa, tulebelenga ici.

Kabili Shikulu asosele kuli Mose, ukutula,

Bula inkonto, mukolongane pamo naiwe, iwe, na Aaron munonko, . . . landa iwe ku libwe pacinso cabo; kabili lyalaleta amenshi yakwe . . .

44 Ndefwaya imwe ukumona ukutula, “Yakwe” amenshi.

. . . lyena lyalaleta amenshi Yakwe, kabili iwe wa laleta amenshi kuli bena ukufuma mwi Libwe: eico wa la pela ulukuta nefitekwa fyaluko ayakunwa.

Kabili Mose asendele inkonto ukufuma ku cinso cakwa Shikulu, nge fyo amwebele.

Kabili Mose na Aaroni balongenye ulukuta capamo ku ntanshi ya cilibwe, kabili atile kuli bena, Umfweni . . . imwe bacisanguka; bushe tumufwaile amenshi ukufuma mwi Libwe?

Kabili Mose aimishe ukuboko kwakwe, kabili ku nkoto yakwe apumine icilibwe imiku ibili: na menshi yalifumine mubwingi, no lukuta lwalinwine, ne fya muweo fyabo pamo.

⁴⁵ Lekeni Shikulu asende ifi Fyebo ifinono nomba, ilyo tulebwelelamo kwisambililo Iyesu ukufuma mailo ubushiku nokulileta kuli ici, Lesa ngasuminisha.

⁴⁶ Kabili nomba, Ndefwaya abalwele bonse abali muno, muno bushiku. . . Nomba, Billy tacipela ifitupa fyakupepelwapo ileelo, pantu Nacimweba ukukana cita ico. Nacitila, “Kabiyefye kulya, Billy, nokweba Muniyina Cauble. Kabili lekafye ine. . .”

⁴⁷ Ndeesha icintu cimo, kubukata bwakwa Lesa. Ukwipushafye Lesa ukutwafwilisha, ukutupela imyeo mu Bufumu; nabacetekela abali nokukosha icicetekelo cabo, nokusela ukuya pamulu, nangula ukwabula icintu icili conse, ukwendafye nokutula, “Mwe Lesa, Nacetekela Imwe, pa Cebo.” Ico eco. Ico eakubalilapo, intampilo, kabili inshila iyawamisha. Ico nacilungama. Cetekeleni Lesa pa Cebo Cakwe. Lyena, nga imwe tekuti mucite ico, lyena, mucine, Lesa alatuma ifintu fimbi mukati, ifyapala nge fyabupe ne fishibilo, uku—ukushininkisha i Cebo Cakwe, ukushininkisha Cena kuwacetekela onse.

Nomba, pa Mulungu, twalikwete, “ubulubulo ko Mulopa.”

⁴⁸ Ifwe tulesenda Israele nomba, mubulendo bwabo, ukwisa ukufuma mu Egypto, icipasho cesonde, munshila yabo ukuya ku Palestine, kucalo cabulayo. Ndetontokanya cena cintu icisuma. Ine nalibutemwa bwena. Mupepifye na cila mulungu, Ndekala panshi nokubelenga ukupita muli lilya i Buuku lya Kufuma, nga kuti Nacita ico, nangu inshita shonse esho Ningacita ico. Nalicitemwa pantu cena cipasho icapwililika ica chalichi yeleelo, imibele, kabili ifyo Lesa aleenda. Aselele lyena, ifyo Acitile mucifyalilwa lilya, Alecita mucabumupashi nomba. Mwachimona cena?

⁴⁹ Nomba, kulya Atungulwile Israele, mucifyalilwa, uko baloleshe, bamwene, babaseseshe ukubafumya mucalo cimo ukuya mucalo nacimbi icacifyalilwa.

⁵⁰ Nomba tulesela no Mupashi wa Mushilo, mukuya nomba mu Mpanga yabulayo. Mulecetekela tuli pabulendo ukuya ku Mpanga yabulayo? [Ulukuta lwatila, “Ameni.”—Kale.] “Mu ng’anda yakwa Taata Wandu mwaba apakwikala apengi. Nga tacali ifyo, nga Nalimyebele. Ndeya mukumipekanishisha icifulo.” Bushe ico nacilungama? [“Ameni.”] Nomba ifwe twalikwata i Calo cabulayo ico tuli nokuyako, kabili cila bushiku cilelundako intamfu; ubushiku bumbi, intamfu naimbi.

⁵¹ Kabili kuli icinshingwa icikalamba icafita icikele kulya kuntanshi yesu, icitwa imfwa. Kabili cila nshita imitima yesu ilatunta, tulasela ulutampulo lumo ukupalama kuli iyo. Bumo muli ishi nshiku, uli nokutunta umuku uwakulekelesha, kabili tuli nokwingilamo. Ndefwaya ukuba panshita yandi, ukupanga icipendo candi; ngefyo Ndesubila cila umo muli imwe nao ali, muno bushiku. Ilyo Naishiba ukutula yena ilifye kuntanshi yandi, kabili Ningile ukuikumanya, Nshilefwaya ukuba kuwe.

Ndefwaya ukuipomba nemwine mumwingila wabulungami Bwakwe, ukwingila muli yena, ukwishiba ici, ukutila Ndi uwashininkisha ukutila Nali Mwishiba mu Maka ayakubuka Kwakwe. Ico nacilungama. Ukutila, lintu Aita ukufuma pakati kabafwa, Nketwa pamo nabena abo abali abamweo. Lesa ni Lesa wabamweo.

⁵² Nomba, ilyo baendele muli iyi mpanga, tulesanga ukutila Lesa apangile i—apangile ipange kuli bena. Ena aletele ukulubulwa, nomulopa. Elyo tulesanga ukutila, Aleleta ubulubulo, nakabili, kumaka.

⁵³ Twaishilesanga, ubushiku bwafumineko, ukutila Ena alikwete umulopa uwabikilwe; ico cali icipasho icisuma ica wacetekela, ukutila, ilyo ena apokelela imfwa yakwa Kristu mucifulo cakwe, elyo esa mukuba umwana wakwa Lesa. Alatendeka pa bulendo bwakwe.

⁵⁴ Nomba, icintu cimbi ico alingile ukukwata...panuma yakupusushiwa, ku mupashi.

⁵⁵ Nomba, imfwa iyamwana wampaanga uwakaele yapele umweo kuwacetekela uwamulandu. Bushe cilya tecipasho capwililika nomba? Imfwa iya Bakaele, ukupela Umweo kubamulandu. Kabili imfwa yakwa Kristu wakaele ipela u Mweo kuli ifwe abamulandu.

⁵⁶ Nomba, intanshi, kanshi, panuma Lesa abapela umweo ukupitila mumulopa, nokucishininkisha, ukutila imfwa yalipitile pali bena, Abatendeki mubulendo bwabo. Tuli nokwisa basenda panuma yakashita.

⁵⁷ Nomba moneni, kanshi, icintu icakonkelepo ico Lesa acitile, lilya linefye baishileba abacetekela nobwana, nokusumina Lesa, umulwani wamfwa yakumubili alibakonkele. Kabili alibesalile, palya pene; neciswebebe kulubali lumo; Bemba Wakashika kulubali lumbi; impili kulubali lumbi; Abashilika bakwa Farao baishile, balebapepeka, abashilikale amamillioni balenda pelete, ukuti babacimfye.

⁵⁸ Nomba, Lesa alimoneke ukutila Abapele umweo, ukupitila mumfwa yamwana wa mpaanga; nomba Ena ali nokubalangisha ubulubulo bwakumubili. Alleluya! Mwamona, fyonse fibili ipusukilo nokundapwa, mwamona, kumuntu wacifyalilwa kabili nomuntu uwabumupashi.

⁵⁹ Malaika wamfwa alipitile, ukushininkisha ukutila Lesa alipangile inshila yakubutukilamo, ukupitila mukupela kwamulopa, kabili bena basumine ico. Nomba Ali nokupanga inshila yakupusukilamo ukufuma kumfwa yakumubili.

⁶⁰ Nga uwacetekela, lilya line ilyo apusushiwa. Nalimo ipwalonda lyali mulile, nangu ubulwele bumo. Lesa alikwata ubulubulo, na ico, ukupitila mumaka. Umusango umo wine

nga fintu Akwata ubulubulo bwa mweo, Nakwata ubulubulo bwamubili. Cena cali i. . .

⁶¹ Balipusushiwe, kabili bali abasembululwa. Bena bali pesamba lya mulopa, lelo, nomba, Farao aleya. . . Umulwani ali no kubonaula, ukubepaila mulya mwinefye mumatololo, lyena Lesa alangishe amaka Yakwe aya kulubula ku mibili yabo. Mulecumfwa? Namwishiba ico Ndelandapo? [Ulukuta lwatila, “Ameni.”—Kale.] Ukulubula kumaka! Kabili nomba, lintu umulwani aali mupepi nabena, i Ntumba iikalamba iya maka ya Mulilo yaimine ukufuma pali Israele, aishile kuno lubali nokwiminina pakati kabo nemfwa.

⁶² Lekeni cena cumfwike pamaminiti ayanono. Bushe namumona ico Ndelandapo? [Ulukuta lwatila, “Ameni.”—Kale.]

⁶³ Nomba, kuwacetekela onse, uwafyalwa cipya cipya umwana wakwa Lesa, ilyo imfwa yaisa ukwiba pa mwinshi, ilyo tailakumana, Malaika wakwa Lesa naiminina pakati kenu nobulwele. Nomba, nga cakutila iwe ulefwaya ukwingilamofye, uyo mulimo obe; lelo taufwile ukucita ico. Mwamona? Naiminina pakati kaiwe nemfwa.

⁶⁴ Imyaka amakumi yabili na itatu iyapitapo, mu Cipatala caba Yuda, Dokota Morris Fletcher ampele ama ora yatatu; umo palidokota babombela abantu muno mumusumba, ampele ama ora yatatu ayakwikala pano pesonde. Ndi uwamweo, muno bushiku. Alleluya! Mulandu nshi? Ukupitila mukusenamina ukwabula ukubombela, Malaika wakwa Lesa aiminine pakati kaine nemfwa, ukuncingilila, kabili Nasumine Ico. Kabili mukutasha, kukusenamina kwakwa Lesa, Nalinonkele citika wa myeo bamillion kuli Ena, muno bushiku.

⁶⁵ Oh, ifyo Lesa eshiba ifyakucita ifintu, nga tuli nokukonkafye. Mwilaesha ukutungulula Lesa. Lekeni Lesa atungulule. Mwamona? Nifwe tulingile ukutungululwa. Ndetontonkanya e mulandu wine Lesa atupashanya ku mpaanga.

⁶⁶ Mwalimonapo impaanga yaluba? Mulandu nshi ciba icabula amaka icibumbwa nganshi mwisonde. Tekuti ilondo ke ukuli konse. Yena imininafye nokulila mpaka umumbulu wamulya, nangu ena afwa palya. Yena tekuti isange inshila yaiko iyakubwelelamo.

⁶⁷ Kabili uyo e musango, ukutila, ilyo umuntu aluba, ena ali uwapelelwa umupwilapo. Tapali nangu cimo ico mwingacita palwa cena. Lesa, ukupitila mukusenamina, afwile ukukutungulula kuli Kristu. Yesu atiile, “Takuli umuntu uwingesa kuli Ine, kano Taata amuleta. Kabili bonse abo Eta, nokwisa, Nkamupela u Mweo wa muyayaya.” We bulayo we!

⁶⁸ Oh, ifyo Nakabila ukuti Ningasenda umuntu onse muno, ukuti cingengila mukati mwisamba yalubafu bwalenga cisano kulubali lwakukuso, mpaka cauma mukati nankati

kamutima. Kuti mwamona abantu baimafye, nemisango yonse iyamalwele ayakobama pali bena, baenda ukufuma muli cino cikulwa, balesangalala, ukukana ukuyakwata. Abalemana kuti baendafye bwino nga fintu bengaba. Bena kuti bakana ukwishiba icintu cimbi icashala. Mwamona?

⁶⁹ Muli nomwenso. Muli nomwenso uwakutendeka. Mulelolola Lesa ukwisa ika nokumufumyamo. Lesa tacicita muli ulyo musango. Nimwe mulingile ukupanga ulutampulo. Ena apela ubulayo, kabili atila, “Isa kuno,” elyo nomba wakonka.

⁷⁰ Nomba moneni abana ba Israele, kanshi. Lesa alishile nokwiminina pakati kabo nobusanso; amaka ayabulubulo... ukulubula ku maka, ntile. Ubulubulo kumulopa; ubulubulo kumaka.

⁷¹ Mailo ubushiku twalibaishile, baleaamfulafye palulamba, kulubali lumbi ulwa Bemba Wakashika. Abalwani bonse, amaceleta yabo yalifumishiwepo. Bakabalwe babo balinwena, pakatifye kamumana, kabili balepilubukila konse konse, ukuya *uku* lubali, nemipeto naikakatila mumatipa kabili baliponene. Kabili ibumba lyabaume balebutuka nabapelelwa, abalwani. Kabili Israele aninine ukuya palulamba, ukumona Lesa atambika ukuboko Kwakwe nokonaula umulwani onse.

⁷² Icipasho icisuma, uwacetekela, pesamba Iya Mulopa; balimuposha kuli shibukombe, amaka yakwa Lesa yalepususha umweo wakwe, ukuulefyako pakashita. Bena bali, cila umo, balifwile palya pene; nga abepailefye mulya mwine mumatololo, nga cakuti Lesa taiminine pakati kabo. Nga nalifwile, akale nganshi, Lesa nga taiminine pakati kandi nemfwa. Uwacetekela onse muno nga alifwile, kale sana, nga cakuti Lesa taiminine pakati kenu nemfwa; cila umo muli imwe. Eico, Lesa, mukusenamina Kwakwe ukwaiteka noluse, eminina pakati kawacetekela nemfwa. Alleluya!

⁷³ Ici cili apa. Lyena ni cinshi icintu icikonkapo kuwacetekela? Icintu icikonkapo lubatisho lwa Mupashi wa Mushilo lyena. Mose atungulwile abana ba Israele ukuyafye kuli Bemba Wakashika, balibatishiwe muli Bemba Wakashika. Bemba, amenshi, yeminako Umupashi. Ilyo ena apumine icilibwe, amenshi yalifumine. Kabili cena cali icipasho cakwa Kristu, muli Yohane 3:16. “Lesa atemenwe isonde, Ena apele Umwana Wakwe uwafyalwa eka, ukutula onse uyo uwacetekela muli Ena tali nokufwa, lelo akakwata Umweo wa muyayaya.” Moneni, abantu abaleonaika, mu matololo, balepusushiwa ne Libwe ilya uminwemo. Kabili abantu abaleonaika balipusushiwa ileelo (balefwa mulubembu, baleonaika mumampulu) pantu u Mwana wakwa Lesa uwa uminwemo abulile icifulo cabo; amenshi, u Mupashi, ulekunkuluka ukufuma!

⁷⁴ Moneni, Ndefwaya imwe mucimone nomba, ilyo balepita muli Bemba wa Kashika, cali icipasho icakupokelela Mupashi

wa Mushilo. Panuma uwacetekela alubulwa ukufuma kumfwa, ukuya ku Mweo; amaka yakwa Lesa nayondapa umubili wakwe; nomba aba kasalwa walubatisho lwa Mupashi wa Mushilo. Nomba nakwata ubulendo, kulya, ku ntanshi yakwe; lelo, ilyo talakumanya bulyo bulendo, ena alingile ukukwata icintu cimo icakumusenda ukumupishamo. Amen. Icipasho icapwililika ica Pentecosti!

⁷⁵ Moneni, ilyo baleenda ukufuma mululamba. Uwacetekela onse, ilyo waingila kabili mwapusushiwa, pokelela u Mulopa wakwa Yesu, iwe ucili uleesha ukwikatilila kuli *ici* nokwikatilila kuli *ico*, kabili iwe tekuti uleke *ici* kabili iwe tekuti uleke *ico*. Panuma yakashita, Lesa kuli akucitila ifintu ifisuma; lelo tekuti uleke imishanga yobe, ufwile wanwako pamo nabanobe munshita shimo. Lelo ico ufwile ukucita kupita muli Bemba Wakashika.

⁷⁶ Ilyo baishile kulubali lumbi (Ici cili apa, Ndefwaya imwe ukumona cena.), ilyo baleisa kulubali lumbi, ukwamfula pa lulamba nokulolesha kunuma, nokumona bonse abalebabomfya akale abaleboma, nokwipayapo bamo muli bena. Nga fintu ipwalonda nafwaka nabafwaka nawiski nafyonse ifyashala, filenga abaice ukufulungana, fibatuma mufikulwa fyamashilu, mufipatala, nebumba lyabantu abashaikatana bapangwa mucalo. Ilyo baloleshe kunuma nokumona fyonse filya ifintu ukulwisha, tabakwete amaka, nokufwa muli bemba, munyina, landa pamusonkano; baliukwete wena!

⁷⁷ Mose! Oh, Nalaleka ici cingile mukati. Ndesubila ciletwalilila ukwingila. Mose, kasesema umukalamba nganshi uwatalile bapo, kunse kakwa Yesu Kristu. Takwatalile akubako umuntu uo Lesa atalile alandako, nga filya Ena acitile kuli Mose, kunse kakwa Kristu. Atile, “Nga kuliko umo uli uwa bu mupashi, nangu kasesema, mukati kenu, Ndi nokumulanga ifimonwa nokuilenga Ne mwine ukwishibikwa kuli ena. Lelo te mubomfi Wandi Mose; Nanda imilomo namatwi nankwe.” Ico nacilungama.

⁷⁸ Mose, uyu muntu uwacindama. Ilyofye afumine muli ico icakupitamo, amona abalebabomfya nabafwa, alishibe ukutila fyonse filya fintu fyalifuminepo pe na pe lyena. Fyonse ifintu ifyalebensha, nokuboma, nokubakapa fyalipwa. Aimishe amaboko yakwe nokwimba mu Mupashi. Oh, owe!

⁷⁹ Tacatala pashaniwa, kabili tacakabe, mpaka tukafike ku Bukata kulya lubali. Ilyo ukupwishisha kwalengelwe kulya, aimbile mu Mupashi. Kabili lintu ifwe twalubulwa mu mubili. . .

⁸⁰ Ico cali icipasho ca Mupashi wa Mushilo ukwisa pa Pentecosti, ilyo twapitile muli bemba. Cali icipasho ca Pentecosti. Kabili Mose, muli mukanya-. . . mucipasho kunuma kulya, ilyo apitile muli cilya, ena aimbile mu Mupashi. Wena waishile pa Bushiku bwa Pentecosti. Kabili lintu umubili waba

uwapwililika, uwalubulwa . . . Nomba umweo wesu walilubulwa uwapwililika, cisuma, “teti onaike; ukukwata Umweo wa muyayaya.” Ifyo Baibele ilanda!

⁸¹ Oh, Ndeumfwa bwino. Moneni mulandu nshi. Pantu Ninjishiba ukutila cena ni EFYA SOSA SHIKULU. Nakobafye umweo wandi kulya, nokwenda, nokutila, “Satana, lilafye fyonse ifyo ulefwaya, kuli ine. Wincusha, pantu Nalishiba Uo Nacetekelamo, kabili Ndi uwashininkisha ukutila Aliba uwalinga ukusunga cilya ico Napela kuli Ena kuli Bulya Bushiku.” Amen.

⁸² Ico tulekabila muno bushiku cisuma, ubwakale, ukwakwa Billy Sunday, ukwatobaulwa, ukwa alleluya ukupuputulwa, eko tulekabila muno mu Louisville. Ico nacilungama, tulekabila ukusuma, ukwakale, ukwatumwa na Lesa ukwa pentecosti ukupuputulwa. Ee, mukwai.

⁸³ Moneni, kanshi, ilyo imibili yesu yalubulwa . . . Icili, natukwata ukundapwa kwamaka yakwa Lesa nomba, nge cinshingwa.

⁸⁴ Nga fintu cilya cali cinshingwa kulya ica Pentecosti, lolesheni ifyo bacitile munshita yacinshingwa, icepusukilo. Lolesheni ifyo bena baendele kulya ku cinsu cakwa Lesa, “Bashimise u . . . kumpela kabili eico . . . kumulilo, nokubutuka ukutwa kwa lupanga,” fyonse ifi fintu bena bacitile, “ukufuma mmalungu ya mulilo; ukutaluka ukufuma mwilinga lya nkalamo, ne fintu fyonse,” ku cinshingwa, alleluya, ku cinshingwa ca Pentecosti.

⁸⁵ Nomba ifwe natukwata ukulubulwa ukwapwililika ukupitila mu Mulopa wakwa Kristu. Bena nga tabakwete ukulubulwa ukwapwililika lilya, pantu cena cali pesamba lyamulopa wang’ombe ishilume nembushi, kabili wena tawakafumyepo ulubembu; wena wafimbilefye ulubembu. Lelo ilyo u Mulopa wakwa Yesu wasumine, Umulopa uwa mushilo nganshi, imembu tashafimbilwepo nakabili; shalilekeleko nokufumishiwapo, kabili uwacetekela aya mu Kubapo kwakwa Kapanga wakwe. Alleluya!

⁸⁶ Nga balicitile ico lyena, icinshingwa kulya, icakwa Mose cileimba mu Mupashi; kanshi, mulya mu Kusokolola, balya abakwata ubulubulo ubwapwililika ubwamubili, aiminine pali bamba we kalashi nokwimba ulwimbo lwakwa Mose nakabili, mulya mwi Buuku lya Kusokolola.

⁸⁷ Landeni palwa u—ukulongana kwa Mupashi wa Mushilo? Balikukwete ilyo baishile pali lulya lulamba. Umfwa, nkashi. Umunono uwacindikwa Miriamu, kasesema mwanakashi, nkashi wakwa Mose, kasesema mwanakashi, aishile sansamuka nganshi mpaka aishile imya icisekese nokubutuka palulamba, ukulisha cilya icisekese, nokushana mu Mupashi. Teico ceka, lelo abana banakashi bonse abakwa Israele bamukonkele,

nokushana mu Mupashi. Nga ico tacili Mupashi wa Mushilo ukuwa, Nshatala monapo umo. Mulandu nshi, mucine, fyena ifyaba nefyakukonka, ifyalo ifyamucinshi, kuti fyalolesha mufyakumwenako nokumona ico, bena nga batile, “Ukufulungana.” Cisuma. Lelo cali ni Lesa. Cisuma!

⁸⁸ Ifintu ifyacindama filolesha panshi, ileelo, pafyo Lesa apala. Cisuma!

⁸⁹ Canjibukisha pelyashi. Umuntu alikwete ibala ilikalamba ilisuma nganshi. Ena akulile amatala ayakalamba ayasuma, fyali ifisuma nganshi, lelo ena ali uwabunang’ani nganshi kukulima. Cisuma. Kwaliko umulimi umbi uwaikele mupepi naena; ena takwete amatala ayengi lelo ena mucine ali umulimi, kabili alibikile ifyakulya ifisuma mumatala uyo mwaka. Kabili utwana twang’ombe twalifyelwe, kamo muli ubu butala kambi mumbi. Ilyo inshita yakutampa kwalusuba yaishile, balifumishe utu utuombe kunse yetanga.

⁹⁰ Ulyo mwana wa ng’ombe umunono uwafumine uku lubali, alishiwe bwino nganshi, owe, ilyo ulyo mwela watendeke ukumuma, oh, owe, ena apantile ututende twakwe, kabili alibutwike ukufumapo, namaka nganshi ukulingana napantu engafika; alelila, nokutoloka, nokuiyantawila, nokutwalililapo.

⁹¹ Kabili nomba umulimi umbi alifumishe uwakwe, kulya lubali. Ta—takwete ifyakulya lelo palifye ficilasa; ali nobunang’ani ubwakulima, ali nobunang’ani ubwakumulisha.

⁹² Cisa mumano pali aba bakakumba bamo bamo. Cisuma! Cisuma! Ukukwata ubunang’ani! Tamwaba nangu cimo. Kabili amatala yamucinshi eyo mwakwata. Bikenimo Ifyakulya mulya ifyabana bang’ombe! Cisuma. Cisuma. Ulubatisho lwa Mupashi wa Mushilo, ukushimikilwa na maka, luli nokuboca. Ico nacilungama. Lelo ico eco bakabila, kocewa ukusuma ukwa nshita yakale; eflyo ichalichi cilekabila, eflyo bamembala balekabila. Moneni.

⁹³ Kabili uyu mwana wa ng’ombe umunono umukote alionawilwe. Umubusu, umunono afumine mwitanga, aali uwaonda alefilwa nokwenda. Kabili alengele mumulale, nokulolesha kulya lubali.

⁹⁴ Kabili amwne ulya umwana wang’ombe alepanga icongo. Ali uwaina kabili uwabulungana. Alyumfwile bwino. Alelya inshita yonse iyampepo.

⁹⁵ Kabili ulyo umunono, umwana wa ng’ombe uwansala aloleshe kulya, atile, “Ubuwelewele bwamusango ngoyo!” Oh! Icine cine, ena ali uwaonda nganshi icakuti alefilwa ukutontonkanya icili conse.

⁹⁶ Lelo, Ndemyebe, ilyo ulya umo uwali uwaina, inshita yonse iyampepo, munyina, alishibe apo abelele. Alikwete inshita isuma ilyo cilya icipupu icakaba catendeke ukulapupa pali ena.

⁹⁷ Kabili umuntu onse uwafyalwa ku Mupashi wakwa Lesa, ali nokwvitwa uwafulungana nangu icintu cimbi icashala. Lelo ilyo kulya kukaba, kwa lusuba, umwela wa Mupashi wa Mushilo watendeka ukwisa nge fyo Wacitile pa Bushiku bwa Pentecosti, icintu cimo cili nokucitika. Nacilungama. Imyela yakaba nga yatendeka ukupupa; munyina, iwe walina ku Mbila nsuma, konse konse kabili uleumfwa bwino. Panteni ututende nokukwata inshita iisuma.

⁹⁸ Uyo e musango Miriamu nabena bacitilemo. Baloleshe pesamba nokumona ifyakale fyonse ifyo bacitilepo, fyali nafifwa nokuya. Bena balimwene Lesa asumine umulopa; balimwene amaka Yakwe mukundapa kwamaka yakwa Lesa, ukwiminina pakati kabo; kwapitile muli Bemba Wakashika, kabili balibatishiwe no Mupashi; baendele kulubali lumbi, balekwatafye inshita isuma. Bena tabasakamene ifyo i... utubungwe tonse twaletontonkanya palwa cena. Ameni.

⁹⁹ Ifyo caba icipasho capwililika ileelo, ica wacetekela uyo uuli nokweshwa ukutampwila kunse.

¹⁰⁰ Lesa alilaya ukutula Akapela ifyo bakabila fyonse. Alilaya ukatupela ifyo tukabila fyonse. Tatalile abeba ukutula, “Nkapanga inshila ya kundapilwamo; Nkapanga inshila iya *ici*; Nkapanga inshila iya *ico*.” Atile, “Nkaba nobe!” Alleluya!

¹⁰¹ Ifyo e fyo Alandile kuli ifwe. “Nkaba naimwe, kabili muli imwe, mpaka kumpela yesonde.” Icofye ceka eco Nkwete icakulanda. Imwe tamulingile ukutalikishanya palwa *ici*, *ico*, nangu *icibiye*. Nga Ena ali muno, ico cilansansamusha; Ukundapwa kwamaka yakwa Lesa kuli pano, Amaka yali pano. Ifintu fyonse ifyo Aali kulya, e fyo Ali nomba, “Yesu Kristu cimo cine mailo, ileelo, nomuyayaya.” Eico, imwe kuti mwasenda amasambililo yenu ayafyabulesa nokunwena nayo. Munyina, Nincetekela Yesu Kristu uwaba cimo cine mailo, ileelo, no muyayaya; atile, “Nkaba naimwe, kabili muli imwe, mpaka kumpela yesonde.” Ee.

¹⁰² Kabili kulya balifumine, kabili Aali pamo nabo. Nomba atile... Oh, bena balikwete utumiseke utunono utwa mukate pa mitwe yabo; yonse yalilwe nokupwa. Tabakwete nangu umo. Balile mukusendama, nensalako panono ilya nshita ya bushiku. Lelo ulucelo lwakonkelepo lintu baimine, kwali umukate uwali pa mushili onse.

¹⁰³ Ulya e musango Lesa acitilamo ifintu; aleka imwe mwafika kuli miniti yakulekelesha, lyena ukulangisha imwe ifyo Ena engacita palwa cena. Cilya cishinka. Alitemwa ukucita ico. Alitemwa ukucita ico. Alitemwa ukupapusha abantu Bakwe.

¹⁰⁴ We mwaume walitemwa ukucita ico kumukashi obe. Walolela mpaka ubushiku bwakufyalwa bwakwe, umulekafye aletunganya pantu walimutemwa.

¹⁰⁵ Uyo e mulandu wine Lesa alekela ifwe ukwisa kumpela yamusebo inshita shimo, pantu Alitutemwa kabili alafwaya ukushininkisha ifyakupapusha Fyakwe namaka Yakwe. Pantu Alitutemwa, uyo e mulandu wine Acitila ico. Ee. Atulekafye twafika pancende apo tubafye abaipekanya ukutampula ulutampulo lwakulekelesha, elintu Esa apo filecitikila.

¹⁰⁶ Alekele abana baba Hebere ukwenda mukati kelungu lyamulilo, lelo kwaliko Umuntu uwalengele cine uwaiminine mulya necakupupilako umwela, ukuutalusha kuli bena. Mwamona? Ena lyonse eop aba. Ena tafumapo. Ena lyonse aba mupepi. “Malaika wakwa Shikulu ukupanga inkambi pali abo aba Mutina.”

¹⁰⁷ Kulya, bulya bushiku, batolele ulya umukate ulucelo lwakonkelepo. Ndemona balya abena Israele abafumine mukupita muli Bemba Wakashika; elyo balubwilwefye kumulopa; balimwene Amaka ya kundapa ayakwa Lesa, nangu Amaka ayakusungusha ayaiminine pakati kakwa Lesa. . . kabili pakati ka Israele na Egypto; kabili anwene abalwani kunuma yaico.

¹⁰⁸ Nga fintu ipwalonda lyakale yaya umupwilapo, ubupofu bwalipwile, bunkoma matwi bwalipwile, ubulwele bwa shuka bwalipwile, fyonse ifintu fyaliposwa kunuma kulya mu Mulopa wakwa Yesu Kristu. Muleumfwa shani? Owe!

¹⁰⁹ Naleenda mumusebo, kabili umo kasusha umukote atile “Nomba loleleni pali miniti! Bushe muli abashininkisha pali ico?”

“Mwilalanda kuli ine.” Ameni. Oh, owe!

¹¹⁰ Kuti nabamona kulya, ukulongana fye nokulongana, nokulalya, nokukwata inshita iyabukata. Kwati fye ukulongana kwa nshita ya kale, ukulongana kwa Mupashi wa Mushilo. Apa pali nokwisa u Mupashi wakwa Lesa ulesela pawashila umunono, akausenda; noku ubika mumutima nga ifyo, nokubilikisha ukutila, “Shikulu Alumbanishiwe!” Ukulonganafye ukwa nshita yakale nga ifyo. Ee, mukwai. Bena balewiikatafye ukufuma kulubali lumo ukuya kulubali lumbi, balekwata inshita iisuma.

¹¹¹ Nomba, ulya umukate tawatalile aupwa. Wena walifye nabo monse mubulendo, uwabo. Ico nacilungama. Kabili cali icipasho icapwililika ica Pentecosti muli ifwe. Ico cali mucifyalilwa. Ulyo mukate tawatalile ukupwa. Wena walifye umukate umo wine, mpaka baingile mumpanga yabulayo. Bushe ico nacilungama? Imwe bakabelenga ba Baibele mwalicishiba ico. Kabili lyena ilyo ifwe. . .

¹¹² I Chalichi catampile pa Bushiku bwa Pentecosti, lintu abacetekela bali kulya. “Kabili kwaishile iciunda kwati cipupu icikali icamwela, caiswile mung’anda umo baikele.” Mupashi wa Mushilo umo wine uyo wawile lilya, ulawa nomba. Wena

ukatwalilafye ukufuma ilya nshita mpaka kumpela yanshita. Uli nokutwalilila ukuya pantanshi. Wena mukate wesu. Bena balishiwe nomukate wa cifyalilwa; ifwe twalilishiwa nomukate wabumupashi.

113 Yesu atile, “Nine Mukate wa Mweo uyo wafuma kuli Lesa, ukufuma ku Muulu.”

114 Batile, “Bashifwe balile manna mumatololo, paciputulwa camyaka amakumi yane.”

Atile, “Bena baba, cila umo, balifwa.” Ee, mukwai.

115 “Lelo uyo uulya umubili Wandi nokunwa Umulopa Wandi, nakwata Umweo wa muyayaya, kabili Nkamwimya munshiku shakulekelesha. Nine Mukate wa Mweo uwafuma kuli Lesa, ukufuma ku Muulu. Ngo muntu alya uyu Mukate, ena takatale afwa.” Mwachimona ico. Bena bakwete uwacifyalilwa; ifwe twakwata uwabumupashi. Oh, Ine tekuti nkabushanye cena kucintu nangu cimo. Tepabusuma!

116 “Oh,” mwatila, “Munyina Branham, bonse twalishiba ukutila iwe walifulungana.” Ukuba, Nalishiba, naine. Ndicipumbu cakwa Kristu. Ngaiwe uli cipumbu cakwa nani? Limbi kuti waba icipumbu cakwa ciwa. Nacilungama. Eico, Kuti natemwa ukuba icipumbu cakwa Kristu, bushe iwe tekuti ufwaye ukuba? Nacilungama.

117 Moneni, icintu nacimbi pali ilya manna. Ilyo batampile ukusondamo, batile, “Buleumfwika kwati buci.” Ee, yena yali iyalowa. Kuti namonafye uko abashila bakale balemyanga pamilomo yabo balelya. Yena yali iisuma.

118 Bushe mwalitala ukusondapo *Iyi? Iyi* isuma, pamo. Atile, “Sondemi nokumona, Shikulu musuma. Cumfwika kwati buci bwamucilibwe.” Lyonse ndalandapo ici, imiku iingi. Ukutila, lintu Davidi wakale, alandile ico mu Malumbo yakwe, atile, “Cena cumfwika kwati buci mu cilibwe.”

119 Davidi, pakuba kacema, alikwete akacola akanono ako alekobeka, nalesendela ku lubali lwabo, kabili lyonse balebikamo ubuci muli kena. Bakacema bakale balecita, cibe, mu—mu Palestini. Kabili lintu ishabo—ishabo impaanga shalwale shileya, nomba, icintu cakubalilapo namwishiba, kwingisha ukuboko nokubula akaputulwa kanono akabuci, kabili abula kena nokusuba pa cilibwe, palibwe lya mpemba. Kabili impaanga shalitemwa bulya ubuci, eico shilamyanga bulya buci nokupwisha pa cilibwe. Kabili paliba icintu cimo palwa libwe lyampemba ilyundapa impaanga shalwala.

120 Kabili Ndemyeba ukutila, natukwata umufuko uutuntulu uwaisulamo ubuci pano munshita ino iyabushiku, kabili twalabika bwena pa Cilibwe, Kristu Yesu. Kabili ne mpaanga ishalwala shalaya mukumyanga, iwe ufwile washininkisha ukutila walaundapwa. Ico nacilungama, myangafye, myanga,

myanga. Kabili iyo mulemyanga ubuci, mulandu nshi, imwe mushininkishe ukutila mwalakwata impemba. Ico cifwilefye caba icashininkishiwa nge cintu conse. Nomba, tatwacibike pa chalichi. Twalacibika pali Kristu, apo cifwile ukuba. Ico nacilungama. Pantu, ubundapishi bwakwa Kristu, ameni, kwati nga mapalo yabulubulo bumbi. Mwamona.

¹²¹ Kabili icintu cimbi. Lintu iyo yatampile ukupona, Aaroni bamwebele ukufuma nokuya bula ifyaisula ifya yena.

¹²² Nomba, ngacakutila baeseshe ukusungapo imo ukufika kubushiku bwacibili, yena yaleonaika. Kabili ico icikalamba conse pakati kabantu ba Mupashi wa Mushilo muno nshita ya bushiku. Iwe uleesha ukutontonkanya ukutila, “Ukuba, imyaka amakumi yabili iyapitapo, twakwete imbila iisuma. Twakwete—twakwete inshita iisuma.” Cinshi ukwete muno bushiku? Ico e cintu. Bena . . .

¹²³ Yalepona cila bushiku. Tayatalile ukufilwa pa nshita imo, kanofye pe—pe Sabbata. Ico nacilungama. Kabili nomba Lesa aletuma yena, iipya, cila bushiku; cila kasuba, cila ora, yena yalepona.

¹²⁴ Moneni, iyaisula yasungilwe. Atile, “Nomba, lolesheni, lintu mukafika mucalo, nabana benu mukatampe ukwipusha pali ifi . . .” Atile, “Shimapepo onse nomba uyo uwaisa muli bushimapepo, panuma yakukwata ulusa lwakuya mu cifulo ca Mushilo, nefyaba ngefyo, kabili alashikwa, shimapepo, nomba alikwete insambu shakwingilamo kabili nokulya akanwa paa aka mana yakubalilapo ilya iyaponene pakutendeka.” Ilya ine iyakubalilapo, baletola nokuibika mucakukupikapo, kabili nokuyasunga, kabili yena yalesungilwa fye bashimapepo.

¹²⁵ Nomba mwatila, “Munyina Branham, cipasho nshi ico cakwata ileelo?”

¹²⁶ Mulandu nshi, tuli bamuli bushimapepo. “Imwe muli bushimapepo bwabufumu, icalo ca mushilo, abantu baibela, abapanga amalambo ya bumupashi kuli Lesa, ifisabo fyapa milomo yenu kupela ukutotela kwi Shina Lyakwe.” Ameni. Mwaumfwa. Nomba, lyena, pa Bushiku bwa Pentecosti, lintu Mupashi wa Mushilo alepona; manna yesu.

¹²⁷ Nomba, shimapepo onse kunuma kulya, pesamba lya Cipangano Cakale, lintu baisamo ukuba bashimapepo, baleishiba ukutila bali nokulya akanwa pa aka manna wakubalilapo; teulya umu uwapangwa, umu uwapangwa nabantu uwalemoneka nga wena. Lelo bali nokukwata imo iyakubalilapo.

¹²⁸ Ukuba, pa Bushiku bwa Pentecosti, lintu manna yesu yatendeka ukupona, Mupashi wa Mushilo aishile ngo mwela wa cipupu cikalamba icibutukisha. Pano pali ibumba linono, ilya bantu bacindikwa, umwanda umu namakumi yabili, mumuputule wapamuulu; ifibi fyalisalike, nama windo balisele,

baikele kunuma kulya, balelolola pabulayo. Ee, bali pamo na Yesu, icine cine. Balishibe amaka Yakwe, nafyonse filya, lelo balelolola pabulayo.

¹²⁹ Ico eco tulefwaya muno bushiku. Ukuba... Ngacakutilla ili bumba lya bantu kuti lyaba mukumfwana kumo, kwati fintu bali pali bulya bushiku, icintu cimo cine kuti cabwekelapo muno bushiku, pano pene muli cino cikulwa, mu Louisville, Kentucky, ico icabwekelepo pa Bushiku bwa Pentecosti. Ico nacilungama. Oh, ifyo fine, bakwete umusango umu wine uwaba kapumya muno mu Louisville ngabalya bakwete kulya. Lelo, bonse bali mucifulo cimo, ukumfwana kumo. Kabili mukupumikisha...

¹³⁰ Kwaishile kapyunga pa muulu, kabili akwete kalata, kabili balemebelepo amashina yabo kabili nokukwata ukuboko kwesenge, nokwingila mwisenge lya muchalichi? Ico kuti caba ileelo, lelo ico tacali lilya. Iyo e nshila ba Protestanti bacitilamo ico. Katolika enda ukuya kucipailo nokulya umulalilo wakwe uwakubalilapo; afumya ululimi lwakwe, alya umukate; kabili shimapepo kuti anwa umwangashi. Elyo nomba aba cilya cine.

¹³¹ Lelo, munyina, “Pa Bushiku bwa Pentecosti, bali mukumfwana kumo, mu cifulo cimo, nomba mukupumikisha kwaishile iciunda ukufuma ku Muulu,” umuntu takwete nangu cimo icakucita pamo Naco, “kwati ngo mwela wa cipupu cikalamba uubutukisha. Waiswile mu ng’anda monse umu baikele.” Amaka yakwa Lesa yapumine pali bena! Bafumine baya mu musebo, balecita kwati libumba lya mashilu; kwati nga filya bacitile kulya lintu bapitile ukwabuka Bemba Waashika. Ico nacilungama? Babilikishe. Batwalililepo. Baletalantanta. Balememensela ne milomo yabo.

¹³² Bena, oh, icakutwalililapo caba ngefyo, imwe...mpaka abantu, ichalichi cacindikwa, baiminine nokutilla, “Aba bantu nabakolwa no mwangashi uupya.

¹³³ Alleluya! Ukufika kukunjita “kakunkuluka wa mushilo,” nangu cibefyo, eico imwe mufwile pamo mwatampako nomba. Nacilungama.

¹³⁴ Lolesheni, baiswilemo u Mwangashi uupya, ico nacilungama, u Mwangashi uwafumine kuli Lesa, ukufuma mu Muulu. Bushe mwalimonapo unu nakolwa? Abafye uwatemwa umuntu onse, mwamona. Tasakamana. Ifyo efyo umuntu aba lintu akolwa no Mupashi. Baibele itilla, “Mwikolwa ubwalwa bwa citooto, abakolwa ukucishamo, lelo ukukolwa abakolwa no Mupashi.” U Mupashi wakwa Lesa ulamipanga ukuba abakolwa nganshi, mulabako nakubalwani benu bonse, nefintu fyonse. Umuntu onse abafye uwamitemwa. Tasakamana uyo uwiminine mupepi na ena. Niwe umuntu mukalamba wacilapo mu calo palya pene.

¹³⁵ Nshilesakamana ngacakutilla umwinamupalamano obe, uwikele mupepi naiwe, ayakuchalichi cacindama; lekafye

Mupashi wa Mushilo ese pali iwe panshita imo, umone icalacitika. Ubefye uwalungama, umusuma umwine mwine, tekuba cakolwa uuiposaika, ulinokumona icili nokucitika. Uli nokutila, “Nkashi, Ninkwata Wena! Naiwe ule Ufwaya, pano!” Ico nacilungama. Ee, mukwai, icintu cimo cili nokucitika.

¹³⁶ Kulya bonse, bakolwele u Mwangashi upya. Kabili, kutikeni, imwe bamo ba nkanshi pano, bushe mwalishiba ukutila nacingu wawalwa Maliya ali muli cilya? Nomba, aile pamuulu kulya. Nyina wakwa Yesu Kristu aile kulya pa muulu nokuba pamo muli lilya ibumba lya bantu, uwakolwa nganshi mu Mupashi mpaka aletalantanta kwati niulya uwakolelwe wiski nangu icintu cimo.

¹³⁷ Kabili iwe ulentontokanya ukuti uli nokuya ku Muulu ukupitila mukusokelela mu chalichi naubika ne buuku lya lwimbo lobe mu kwapa kobe, nokulaisa cila pa Mulungu ulucelo, nabelu ilelila, nokwikala nokumfwa kuli shimo i...nokwenda ukubwelelamo? Tamwakatale ukucita ico.

¹³⁸ Ufwile waishila muli iyo nshila, pantu iyo enshilafye imo iyo Lesa abikapo, kabili iyo akwata. Kabili ufwile ukwenda muli yena, ngateifyo tekuti ube Kulya. Nshili kapingula obe, lelo Ndeshimikila i Mbila nsuma. Ico bwino bwino fye e Cine. Nacingu wawalwa ali palya pene, acitilefye ngo wabulamo amano nga bonse abashala, uwakolwafye nga bonse abashala. Aba abaume nabanakashi, cila umo pali bena, aiswilemo u Mwangashi upya. Ngacakutila Lesa acinjishe bulya butantiko, bika umunwe obe pa Malembo unjokatilepo; cena tacili apo. Iyo, mukwai. Cena califye palya penefye pampela yankulo, muli iyo nshila, palya penefye pampela ya Baibele, kabili cili nokuba icintu cimo cine lintu Yesu akesa.

¹³⁹ Lolesheni! Iyo bakolelwe ulya Mwangashi upya, Lolesheni, tulemona ngacakutila Lesa abikile icipimo ca oma yaisula pali imwe bonse. Nacilungama.

¹⁴⁰ Apa pali bonse nabeminina kulya, kabili umunono kashimikila camwenso mukalamba uweshina lya Petro, i “libwe linono,” alitinine nganshi pacifulo cakwe mpaka akene Yesu, kabili abutukile panse nokupeepa apakalamba, nokuba pamo nabena. Aiminine pa cibokoshi nangu icintu cimo, atile, “Mulandu nshi, imwe mwebantu bamu Yudea, naimwe mwebekala mu Yerusalemu!” Balya bali niba dokota, ba D.D.’s. Oh, atile, “Imwe mwe bantu mwe...kabiii mwe bantu bamu Israele, nabekashi ba mu Yerusalemu, nefyaba ngefyo, lekeni ici cishinikwe kuli imwe. Aba tabakolelwe, ngefyo mwatunganya, mukumona ni ora walenga butatu uwamukasuba. Lelo ici ni cilya...”

¹⁴¹ Ngacakutila ici tacili ni Cilya, Ndefwaya ukusunga ici mpaka Cilya cikese. Ico ecintu cimo.

142 Atile, “Ici nico icalandilwe na kasesema Yoele, ‘Cena cikesa fikilishiwa mu nshiku shakulekelesha, efyalanda Lesa, Nkapongolwela u Mupashi Wandu pa muntu onse; abana benu abaume na bana benu abanakashi bakasesema; kabili napali bacishiko Bandi abanakashi nabacishiko aba bomfi Nkapongolwelapo u Mupashi Wandu, kabili bakasesema; kabili Nkalangisha ifishibilo mu myuulu pa muulu, kabili na pe sonde; nentumba shamulilo, necushi, namenshi yafube fube; kabili cikesa filikishiwa, ilyo ubushiku bukalamba kabili ubwabipisha ubwakwa Shikulu tabulaisa, uyu onse uuketa pe Shina lyakwa Shikulu akapusuka.’”

143 Lilya ibumba lyaba ibililika, abamingila iitali, bashimapepo babumyalu myalu, batile, “Cinshi twingacita pakupusuka?”

144 Petro atile, “Lapileni, onse pali imwe, nokubatishiwa mwi Shina lyakwa Yesu Kristu pakulekelelwa kwamembu shenu, kabili mukapokelela icabupe ca Mupashi wa Mushilo.” Kufika pa nshita nshi? “Pantu ubulayo buli kuli imwe, nakubana benu, nakuli abo ababa ukutali, pamo nabengi abo Shikulu Lesa wesu aketa.”

145 Nomba, umuntu onse uyo uwalapila nokubatishiwa mwi Shiba lyakwa Yesu Kristu, kabili Lesa amupela ulubatisho lwa Mupashi wa Mushilo, tapokelela icintu cimo icimoneka kwati ni manna wakubalilapo, lelo, ena tapokelelafye akanwa kaisulamo manna wakubalilapo, lelo apokelela umutima waisulamo Mupashi wa Mushilo umo wine.

146 Imwe limbi kuti mwatila, “Putuleniko ico panono.” Ninjishiba Ndelandishapo ukucilapo pali ico, lelo tekutifye Ncafwilishe ico. Moneni, lolesheni. Nshilemipatila. Kuti limbi nabwekeshapo pali cena. Lelo, oh, ngacakutila wacumfwa ngefyo Nacumfwile, kuti walandisha, nobe.

147 Moneni, oh, mutima waisulamo manna wakubalilapo uwaponene pakutendeka; Mupashi wa Mushilo umo wine uwaponene lilya, eulepona nanomba. Kabili ni kwisa uko Wena wingaya? “Kuli imwe, kubana benu, nabena ababa ukutali,” ku Louisville, Kentucky, “kabili naku bengi abo Shikulu Lesa wesu ali nokwita, balinokupokelela cilya icine icintu cimo cine ico twakwata pano.”

148 Ifyo efyo Alandile. Lesa alicipalile. Ali cishimikile. Mupashi wa Mushilo Aciletele; Nali Cipokelele; neco calipwa. Ameni. Ico, cabafye icisuma icikalamba kuli ine. Nacetekele i Cebo Cakwe ico Alandile; Alicicitile. Ngacakutila Mulecifwaya, kuti Mwacikwata, pamo. Ico nacilungama.

149 Eico fumeni mu—mu mibele yafwa, nokubuka, kabili nokuisunkanyafye ngefyo nokumibusha. Kabili icintu cakubalilapo, walolesha konse konse kabili ifintu fyonse fili nokumoneka ifyapusanako kuli iwe. Ulya muntu ushalelanda nankwe, uli nokwendesha ukuya kuli ena nokuyalanda nankwe;

ee, mukwai, ufwifele ye ukulanda nankwe, epelafye. Oh, fyonse ifyo fintu, wabwekeshamo ifibombele fyakuwamishako imipeto, nafyonse i . . . ifyo fintu wafumishe kung'anda yabeni ilya nshita. Lilya itawelo wapombele kufipe fya silufere ifyo wasendele petebulo; wabwelelamo bwangu bwangi, ukuyabwekeshamo. Mucine ukacita ifyo. Ee, mukwai. Cikakulenga ukuba icibumbwa cipya muli Kristu Yesu. Nomba lolekesheni kuli Maliya. Oh, owe!

Ifwe tulingile ukwangufyanya. Ifwe tuleya tuletwalilila.

¹⁵⁰ Abo baleya, ukupita mumatololo nomba, panuma yakulongana kwanshita yakale. Nomba bali pabulendo bwabo. Bushe tacili iceni ukutila bena batungulwilwe ukutontafye mu Matololo ya Lubembu, ukuyafye mukati kamatololo, ukuyafye mukati ka—ka kafukauka kamenshi ayalula? Bushe kuti mwaelenganya Lesa ukusenda abana Bakwe, panuma yakupusuka nokwisushiwa na Mupashi wa Mushilo, kukafukauka kamenshi ayalula? Icine cine. Ena kuti afwaya ukulangisha ukutemwa Kwakwe kuli bena nakabili. Ico nacilungama. Bena baile pamulu palya.

¹⁵¹ Namwishiba, ilyo mwakwata Mupashi wa Mushilo, mulasangwa mufyakucilinganya ifingi. “Ukucushiwa ukwingi kulaponena pawalungama, lelo Lesa alamupokolola kuli fyonse.” Lesa alamileta pamulu, ukulolenkana nacena, pakuti Engamilangisha amaka Yakwe nobusuma Bwakwe.

¹⁵² Nga fintu Naumfwile ilyashi lyakwakacema mu Yerusalemu, uwalekontola ukulu kwampaanga yakwe. Batile, “Mulandu nshi, wekacema umunkalwe. Mulandu nshi wakontwele ukulu kwa mpaanga?”

¹⁵³ Atile, “Ukuba, ena tacita kwati alintemwa. Eico Natontonkenye ukutila ka Nnkontolefye ukulu kwaiko, icakuti Ndeisakamana munshila iyaibela, kabili nomba yena ili nokutemwa ukufuma apa ukuya kuntanshi.”

¹⁵⁴ Inshita shimo Lesa alilinga ukumilaka, nobulwele, ubo dokota alelanda ukutila muli nokufwa. Lesa kuti amisunga munshila iyaibela icakuti mu Mutemwe ukucilapo panono. Ico nacilungama.

Bamo bakapita mumenshi, bamo bakapita mulyeshi,
Bamo bakapita mumesho ayashika, lelo bonse bakapita mu Mulopa;
Yesu atungulula i Chalichi Cakwe.

¹⁵⁵ Nomba, ilyo bena bali kulya, kabili amenshi yali ayalula kabili bafililwe ukunwa, Lesa apele inshila. Icimuti icinono icakale icalepelela palulamba, Mose aciputwifele ye nokuciposa mumenshi, capilibwile icintu conse; ayasuma, amenshi ayalowa.

156 Nomba ilyo wakumana nayamo amenshi yobe ayalula, nangu icintu cimo nacimbi icaba nga ifyo, kuliko icimuti, muno bushiku, ukulanda muli bumupashi, icilepelela pa Gologota, nangu isonde, muno bushiku, icingalenga amenshi yonse ayalula ukulowa ayo ukatwalwako. Ico nacilungama. Kalbale ili nokuwamya icakupitamo conse. Imiku iingi tulaya muncende ishakosa, kabili nokusunguka ifyoabela ifyo. Eico Nalisele amenso yandi inshita imo, nokutontonkanya ukutila, “Kulya ku Gologota, uko Umulubushi wandi apundile nokufwila unweo wandi,” lyena ukweshiwa kwandi kwamoneke ukunono nganshi. Nakuposafye nokutwalilila ukwenda. Ilalenga calowa. Ilalenga calowa icakupitamo conse ico Nakwete lyonse. Alalenga calowa lyonse, ilyo Naisa kumenshi yandi ayaku Marah.

157 Nomba, ifwe tuli mupepi no kubekata nomba kuno lubali mumatololo, panuma yafyonse filya ifishibilo ifikalamba nefipapwa. Ukupuputulwa kwalinashako. Kabili icintu cakubalilapo ico mwaishiba, ilyo ukupuputulwa kwanashisheko, mulandu nshi, bena balabileko fyonse palwa fisungusho.

158 Bushe ico tacilifye nga abantu ileelo? Balabile ifyo Lesa acitile umwaka wafumineko. Ifyo Lesa acitile mukulongana kuno lubali kwisukulu lyamasambililo yapamulu, mulalabako fyonse palwa cena. Mwamona? Ifyo Lesa acitile, tulabakofye.

159 Nomba, moneni, kabili pantu bena batendeke ukutalikishanya umo nomubiye, “Ukuba, Ndi icine cine, nangu cibe ifyo, Ndi Methodisti. Ichalichi cesu ecakulishapo.” “Ndi Baptisti, kabili Nalamyeba nomba line, twalicetekela mubucingo bwa Muyayaya, kabili twali Ukwata. Ha, ha! Imwe bonse tamukwete isambilisho, nangu cibe fyo.” Lilya e lintu waba mubwafya, kabili amenshi yobe yaputulwa. Ico nacilungama. Ico nacilungama.

160 Lilya elyo, iciswebebe, ilyo ena ekala kulya mu ciswebebe, atendeka ukuilishanya, ukuilishanya nokuilishanya. “Ukuba, Nalakweba. Nalakweba, ilyo ulya kakumba umukote ali muno, ulya kashimikila umukote uwashimikile bukapepa bwanshita yakale nga bulya, Nsha—Nshaishiba nga cakutila ali uwalungama nangu iyo. Nalakweba, ena—ena alengele bamayo ukupena nganshi, inshita imo iyabushiku, baile kung’anda. Kabili Nalakweba, balifulunganishiwe, ifyapalako.” Bafwile balifulungene. Ico nacilungama. “Oh, Nshishibe nga cakutila Ndefwaya ukumfwa nafimbi palwa Ico, nangu iyo.” Kabili ilyo e lintu amenshi yobe yaputulwako. Ico nacilungama. Ilyo e lintu waingila muciswebebe.

161 Bena batendeke ukuilishanya. Batile, “Iyesu—imyeyo yesu naipata uyu mukate waanguka.” Panuma yakufuma muma garliki na mulikanyense yaku Egypto, nokulya icakulya caba Malaika, nalyo line baleilishanya. Bushe ico tacili nga chalichi?

Nomba Ndeisa kubantu bamuholiness nomba, imwe bonse; ee, imwe bonse. Mulelya icakulya caba Malaika, kabili nomba mwatila, “Ndekabila ukubwekela ku Egypto, mukusenda bagarliki nabambi.”

¹⁶² “Clayton McMichen naba Wildcat baleba kucikulwa cabwalwa ileelo munshita yabushiku. Nga Nshailundile kuli ilya chalichi cakale, kuti Nayako.” Imwe kuti cawamafye ukutwalilila. Ukuli icuma cobe, ekuli nomutima obe pamo. Tamwakwetepo nangu cimo ilyo mwatampile. Ico nacilungama. Ico nacilungama. “Oh, kuti Natemwa ukucita *ici*, nangu ukucita *ico*.” Mwacimona ico, lyonse ukuilishanya.

¹⁶³ Kabili bafumine mumenshi yamatipa aya mu Egypto, ukunwa amenshi ayasanguluka ukufuma ku Cilibwe Cakale, kabili baleilishanya palwa Yena. Bashile incende uko abamataki bashing’anga baku Egypto, abamataki abakalamba nabonse, ukuti babe na Shing’anga Umukalamba. Bafumine pa ncende apo balandile, ukutula, “Inshiku shafisungusho shalipita,” ukuba pamo nabantu abakwete ifishibilo nefipapwa ifyalebakonka, kabili nalyo line ukulailishanya. Oh, owe! Ee, mukwai. Kwisamba kulya, mucine, abena Egypto, bena bali abatalala Abenafyalo, bacaibela. Bena tabacetekele mucintu icaba nga ifisungusho.

¹⁶⁴ Nomba, bena bali kuno lubali uko bakwete i Ntumba ya Mulilo pali bena. Ifwe natu Ikwata yena muno bushiku. Bena bali kulya uko bakwete ukusangalala munkambi, balebilikisha, ifisungusho ukucitwa, nefintu fyonse, kabili lyena baleilishanya palwa cena. Ulya e mulandu wine amenshi yaumine, ulya e mulandu wine tabakwatile nangu cimo icakulya nangu ukunwa, pantu baleilishanya.

¹⁶⁵ Kabili bulya e bwaba ubwafya na machalichi ayaba mu Louisville, muno bushiku; ukuisosha, ukuilishanya. Uluse! Bwekeleni kufikatilo. Eifyo.

¹⁶⁶ “Nomba ninani uyu muntu, Mose? Mulandu nshi twaumfwilile, ukumfwa kuli uyu kashimikila kakunkuluka wa mushilo, nangu cibe fyo? Ni cinshi ico tulecita kunse kuno?” Kabili amenshi yabo yalyumine.

¹⁶⁷ Ndetontonkanya pali Mose, ulya muntu umukalamba. Asambilishiwe mu—amano yonse aya bena Egypto. Lekeni tuloleshe pali ena pamaminitifye ayanono. Lekeni tubule Mose, pali minitifye. Lolesheni pali ulya muntu. Ena aali . . .

¹⁶⁸ Abena Egypto, bena bali abacilapo pali ifwe ileelo, ilyo caisa kuli sayansi yafyamiti. Bena bali abacilapo pali ifwe. Ifintu ifingi ifyo bengacita ifyo ifwe tekuti tucite.

¹⁶⁹ Kabili Mose alikwete umuti onse. Kabili ilyo ena ali kunse kulya, tontonkanyeni, Mose alikwete nalimo abantu ba milioni babili pamo nankwe. Alikwete abana abanono. Alikwete abaume abakote, abanakashi abakote. Ena alikwete

abalemana, nabapofula. Utunya twalifyelwe, amakana ayatwena, munshita yamulungu. Kabili Mose, Dokota Mose, ali kunse kulya mumatololo nabantu bonse aba. Kuti natemwa ukumona mukabokoshi kakwe akamuti, bushe iwe tekuti utemwe? Kuti natemwa ukumona ifyo Dokota Mose akwete mukabokoshi kakwe akamuti. Natuloleshefye mukabokoshi kamuti nokumona ifyo akwete.

170 “Mose, mulandu nshi, ni cinshi ico ukwete mulya, Mose?” Mulandu nshi, twasanga ukutila ubulendo bwamyaka amakumi yane, ukucila pamamillioni yabili balifyelwe. Ico nacilungama. “Cinshi ico wabomfeshe, Mose? Nifinshi walebomfya kufilonda nefyakukalipa nepwalonda, nokupofula nabunkoma matwi nabucibulu? Mulandu nshi, njeba, ukutila lintu wafumine mumatololo, tapali nangu umo uwanaka pakati kabo.” Tutile, bushe bamo badokota abo tekuti bafwaye ukumonamo umo, mukabokoshi kamuti?

171 “Kabili nacimbi icintu, Mose, ni cinshi ico wasanshile balya bantu, mpaka nangu fyakufwala fyabo tafyacucwike? Insapato shabo tashalepwa, mukwenda pali yalya amabwe.” Nga mwalitala ukubako kulya, namwishiba ifyo iciswebebe cimoneka, mupwisha insapato munshiku shitatu. Kabili mwena tamwapwishishe nangu akalitoni kamo akampapa pali bena, mumyaka amakumi yane. “Mose bushe nifinshi ifyali mukabokoshi kobe akamuti?”

172 Lekeni tumonemo. Namumona, “Nakwata ubulondoloshi bumo, ‘Nine Shikulu eumiposha.’” Ico e cilecipwishisha. Ameni.

173 Atile, “Oh, Mose, batata bali kuno, baciponafye nokukontola ukulu kwabo. Ni cinshi ico ubakwatile?”

174 “Lekeni ndoleshe nokumona. ‘Nga mwalanakila ishiwi Lyandi, nokucita fyonse ifyo Myeba, Nshakabikepo aya malwele pali imwe, nga abena Egypto, pantu Nine Yehoba uumiposha.’ Ubebe ico.” Alapola. Ameni. Ico nacilungama.

“Oh, mulwele nganshi! Umwana wandi nakwata mumala, nangu akalaso, icabipa nganshi! Dokota Mose, ni cinshi ico Ningacita?”

175 “Lekeni mone ifyo Nkwete. ‘Nine Shikulu uumyundapa.’” Ico capwisha ico. Ameni. Efyo bena baile. Ico nacilungama. Uktwalilila, ukusangalala. Ico ecofye ena alekabila, “Nine Shikulu uumiposha.”

176 Ukufuma mu myanda mutanda nokulundapo, ubulayo ubwine bwine ubwakundapa kwamaka yakwa Lesa, mu Cipangano Cipyu, kabili nomba tuleipusha Lesa, muno bushiku. Cinshi ico Ubupingushi buli nokupilibula kuli ifwe? Cisuma.

177 “Nine Shikulu uumyundapa.” Ee, mukwai. Ifyo efyo Mose akwete, Dokota Mose akwete muncende yakwe, muyakwe. . . mukabokoshi kamuti, nici, “Nine Shikulu uumyundapa.” Eico

Ena alyundepe amalwele yonse, no kubasunga mukupwililika, kabili nokubaleta ukupita mumatololo, mucalo cabulayo. Oh, owe!

¹⁷⁸ Balishile bonse abakalamba, abaleyumfwa bashing'anga, ukuti babe noyu Shing'anga Mukalamba. Bena bashile lilya ibumba lya bantu balya abatalala, abafyakukonka ifyantantikwa, kabili bacaiabela, abaletila, "Takwali icintu icobeta icisungusho." Kabili pano pene, i Ntumba ya Mulilo yakobeme pali bena. Abantu baleundapwa. Ifintu fyonse, necintu icili conse ico bakabile, fyapelwefye kuli bena, kabili cibe bena baleilishanya lintu bafumine mumenshi. Lelo nomba mukusenamina ukwakwa Lesa, muli fyonse ifyo. . .

¹⁷⁹ Nga fintu muli muno mu Louisville munshita ino iyabushiku, pakati ka konse uku ukulanda ukutila, "Inshiku shafisungusho shalipita. Akabungwe kaba Shing'anga wamufipatala kaleesha ukukanya ubundapishi bwamaka yakwa Lesa, mucalo monse." Tekuti mukuleshe. Cawama mwalekafye. Tekuti mukuleshe nga fintufye tekuti muleshe akasuba ukusanika. Ico nacilungama.

¹⁸⁰ Kuno imyaka inono iyapitapo, ilyo Natendeke intanshi mu Jeffersonville, naleshimikila pakundapwa kwamaka yakwa Lesa. Cena tacaishibikwa, mubutuntulu, pa myaka. Cena cali icintu icakosa. Lelo, munyina, muno bushiku kuliko ba millionsi aba bena, ukuli konse, abalebilikisha. Baleesha ukucikanya? Imwe tekuti mucite ico. "Ine ne Shikulu nali cibyalala cena; Ndi nokucitapilisha, akasuba nobushiku, kano bamo bacinukula ukufuma mukuboko Kwandi."

¹⁸¹ Kuno tapapitile inshita iitali, Nalelolesha pa tumimbya utunono pa Cibumbwa ca Buntungwa. Twena twalelefye palya. Atuntu utunono natulala ukushinguluka monse, pesamba lya lubuuto. Kabili Natile, "Cinshi cacitile ico?" kuli katungulula.

¹⁸² Atile, "Twalisansawile babongo bongo kunyali, malio munshita yabushiku, mumfula yacipupu. Twafikile mulubuuto, kabili ulubuuto nga lwalitutwele kukucingililwa, lelo twaleesha ukushimya ulubuuto. Kabili twasansawile babongo bongo, pakweshwa ukushimya inyali."

¹⁸³ Natile, "Ubukata kuli Lesa!" Ndemona atontonkenye ukutila Nali uwafulungana. Natile, "Ico cambika mwitontonkanyo lyabantu bamo abesha ukushimya ubundapishi bwamaka yakwa Lesa kabili na Maka aya kubuka kwakwa Yesu Kristu." Imwe muli nokutobaula babongo bongo benu; imwe tamwakatale. Suminenifye cena, nokupupukila mucubo. Ico nacilungama. Ameni.

¹⁸⁴ "Landa ku cilibwe, Mose," Lesa aebele Mose ukutila, "kabili cena cili nokuleta amenshi yaciko, nokuleta amenshi Yakwe."

¹⁸⁵ Pano tapapitile inshita ntali, Nalelolesha icikope cancende basungilamo ifintu ifyakwibukishapo, pacilibwe ico baleuma.

Kabili camoneke kwati akamulonga akanono kalepongolola, nalimo icipimo ica nshindano yakupikwilako. Natontonkenye ukutila, “Ifyo ici caba icabuwelewele!” Mulandu nshi, munyina, Ine kuti nanwa cilya icintu icauma nga Nalifye necilaka. Ee, mukwai.

¹⁸⁶ Bushe namwishiba abo Mose alenwisha ukufuma kuli cilya Icilibwe? Alikwete abantu ba milioni babili, elo kabili nenama shonse. Cena casendele nalimo amakana amakumi yane amagaloni pali miniti, uku—ukunwa, bena. Alleluya!

¹⁸⁷ Ico cambika mwitontonkanyo lyamuntu umo mufyabukapepa bwabo. Imwe mwakwatafye bukapepa ubwalinga ubwakuti muleya kwisukulu lyapa Mulungu pa Mulungu ulucelo, ukufwisafye panono nokuminasha panono.

¹⁸⁸ Nalitemwa ukwikala pa Kafukauka akaposa amenshi ukufuma, alleluya, ayengi ayakuntwala ku Muyayaya. Alleluya! Ndi uwansansa ukutila Nalifuma muncende yakale iyabomba; ukuya kulya ku kamfuku mfuku uko kena kafukumunafye inshita yonse. Ee, mukwai.

¹⁸⁹ Abantu balikwata fye bukapepa ubukalamba ubwakulenga bena ukuba ababulanda. “Ukuba, teti Njikalepo palwa ma mineti ikumi limo. Owe, yangu, ifyo ulya kashimikila akokola pakushimikila?” Ipusukilo lyobe lyashika ukufika pesa? Ico nacilungama.

¹⁹⁰ Kuti waya pa Mulungu ulucelo, nokutila, “Ukuba, Nalaya nokumfwa ifyo bakwete ukulanda.” Kabili bakufwishilakofye panono kabili wabwekelanamo, kabili ico econsefye ico wakwata.

¹⁹¹ Munyina, Ndekweba, lintu Mose aumine mu Cilibwe, amenshi yaile monse mu matololo. Ameni. Ee, mukwai. Icintu fye cimo, ifintu fyonse ifyo bakabile, bena bafukemefye nokunwa, ukunwa, ukunwa mpaka amenshi yaiswile muli bena. Nangu cibe ifyo, amenshi yena yatwalililepofye ukulafuma, ayali kwati amagaloni amakani amakumi yane pali mineti umo. Tontonkanya pali ico, bantu banga, abantu milioni imo, abantu ama milioni yabili banwa, mu nshita ya mineti imo; abantu abali necilaka, ukubikako nengamali, ne nama, ne fintu fyonse bakwete. Kabili Baibele itila, “Yafumine mubwingi.” Yena yalepomafye, ukuya mulya mu matololo.

Uyo e musango untu Yesu Kristu apelelamo Mupashi wa Mushilo.

¹⁹² Tepanono fye, mukulanda, “Ukuba, Nincetekela Nalaya nokuya ikumanisha ku chalichi.” Oh, owe! “Oh, tekuti Nshipikishe kuli ico congo. Cena cilampela ukututuma.” Nga cakutila wafwile, kuti waumfwa ukutalala kamfwa nga cakutila kuti wafika ku Muulu, pantu, munyina, uli nokumfwa icongo cimo ilyo wafika Kulya. Baibele itila bena balebikisha “alleluya,” akasuba nobushiku; akasuba konse, pantu takwaba

ubushiku. Ico nacilungama. Iwe mucine ukafwa ilyo ukesa ku Muulu, ubushiku bwacibili pamuulu Palya. Ee, mukwai. Ukuba, iwefye . . . ifyo wacitile, wailefye nokubombako, panono.

¹⁹³ Tawaikaleko pakapoma, nokuleka kapome pali iwe mpaka kakusamba ukukwingisha mu . . . alleluya, mukati, kabili mpaka mukailufye mwebene kabili tamwakeshibe apo mubelele. [Tapali amashiwi pali tepu—Kale.] Uyo e musango mulefwaya ukucitilamo.

¹⁹⁴ Naleeba bayama, batata ukutila, “Ukuba, kuti Nasamba insamfi,” muli ici cishiba icinono kuno ku Utica Pike.

¹⁹⁵ Ubushiku bumo, batata balibwelelemo nokwikala pacakupitamo amenshi, batile, “Ndefwaya ukukumona ulesamba insamfi.” Icishiba icinono cali nalimo cali nga *ifi* shika. Naliminine pa cibokoshi ca sopo. Nafumishepo ifintu fyandi, nokwikata pa mona wandi *ngefi*, nokutoloka pamuulu nape samba pa cakwimininapo pakulanda. Nanyantile, pa matipa na matipa naimine mumbali shonse shibili, kabili Natampile ukusabaula amatipa.

Natile, “Nimumusango nshi Nalailamo, Taata?”

¹⁹⁶ Atile, “Fumamo mulya.” Sambe? Wamfule ukufuma mu mafya, inshita yonse.

¹⁹⁷ Twalikwata abengi ba membala wamu chalichi abapita mu bukali ubwingi na mafya, pamo. Ico nacilungama. Ico nacilungama, bakapita bamu mafya. Ee, mukwai.

¹⁹⁸ Ubushiku bumo, ba yama bamfumishe mu bwato kabili Nalefuma palya pene mukusamba; kuno kwine mu Mumana wa Ohio, amenshi ayali amafiti amakumi yabili. Abulilefye inkafi nokumponesha mu menshi, atile, “Nomba nga pali ico?” Amen. Alleluya! Nali nokusamba nangu ukushika, nomba. Oh, owe!

¹⁹⁹ Nomba mfwile ukubelesha Ico cena nomba. Iwe ufume muca kuposa amenshi, umo Lesa eswile icilibwe umo e mumatololo kabili kupongololafye ico. “Landa ku Cilibwe,” Atile, “kabili calafumya amenshi ya Ciko.”

²⁰⁰ Limbi, cibusa wandi, muno nshita ya bushiku, limbi iwe ulefw. Ufwile walanda ku Cilibwe. Ico nacilungama.

²⁰¹ Limbi iwe waliya ukuli konse. Limbi waliya ku chalichi, nokuya ampama naba Methodisti, kabili waliyampanya kuli ba Baptisti; kabili balikufuilwa, kabili waya nakuli ba Presbyteriani; kabili wabwelela nakuli ba Pentecosti, wafuma waya kuli ba Nazarene, waya nakuli ba Pilgrim Holiness. Kabili ucilifye uwabula uku kutuluka.

²⁰² Iwe landafye ku Cilibwe, muno nshita ya bushiku. Fye . . . Bushe waliba mukumfwana mukulanda pamo na Ena? Ee. Atile, “Landa ku Cilibwe, kabili Ena alaleta amenshi Yakwe.” Cena calaleta amenshi Yakwe, nga cakutila iwe fye . . . Taumine

mu Ena, nakabili. Landafye kuli Ena. Mukumfwanafye kwa bucibusa, landa kuli Ena.

²⁰³ Limbi iwe waliya kuli dokota. Limbi iwe walicita icintu conse ico iwe waishiba ifya kucita, ukwesha ukutila upole. Limbi iwe walicitafye ifili fyonse ifyaba mu maka yobe, mupepi na fyonse, kabili walifilwa ukundapwa. Dokota onse, iwe waliya ukupita mwi ofeshi lyonse wakonkonshapo, kabili dokota atile, “Iwe fye. . . Tapali nangu cimo icingacitwa kuli iwe.” Cinshi tawingalandila ku Cilibwe, muno nshita ya bushiku? Ena ali. . . Nakwata amenshi aya Mweo mulya pali iwe, ukupela iwe u Mweo uwacilapo.

²⁰⁴ Inshita imo kwaliko umwanakashi, muli Baibele, uwe shina lya Hagar. Ndetontonkanya pali ena. Kabili Ndepekanya ukwisala; inshita. Kwali umwanakashi uwe shina lya Hagar, kabili akwete umwana umunono. Ena bamutamfishishe mu matololo, ne botolofye limo ilya menshi. Ilyo alepela umwana umunono, akasuba konse. Lelo amenshi yapwile, ukuya mu nshita iya pakati ka mutwe, kabili umwana umunono alebikikisha nokulila. Imilomo yakwe iinono yaleubuka no lulimi lwakwe lwalifimbile. Umulanda, nyina umunono umusuma, cinshi ico ali nokucita? Amwene icifulo conse icinono, ukuti asange amenshi, lelo amenshi nangu yamo tayasangilwe. Afililwe ukushipikisha ukumona umwana afwa; eico amulalike pesamba lya cimuti, kabili nokuya apo umufwi wingafika.

²⁰⁵ Kabili afukemeko nokulanda ku Cilibwe. Lintu alandile ku Cilibwe, Malaika amwaswike nokutila, “Hagar, cinshi cilya icilefumya kulya?”

²⁰⁶ Kwali icishima kulya, icaisulamo amenshi, ico icileleta ne leelo. Panuma ya mupepi ne myaka amakana yane, cena cicili cileleta amenshi ileelo. Akafukauka ako Hagar. . . kulya, kalya, kena kacili kaleleta ne leelo. Alandile ku Cilibwe, kabili ne Cilibwe caletele amenshi.

²⁰⁷ Kwali abana baci Hebere abaile kwi lungu lya mulilo, ubushiku bumo, kabili balandile ku Cilibwe. Kabili i Cilibwe cali pamo nabena.

²⁰⁸ Kwali umwanakashi uwafumine ku Samaria, pa nshita imo. Ali uwa nenuka. Ali mubembu, kabili akwete ifintu ifingi ifyakobeme pa mweo wakwe, limbi. Kabili ena ali uwa nenuka. Aile ku cishima icakwa Yakobo ukutila afwayeko ica kumwafwa. Aile ku cishima cakwa Yakobo, kabili abwelelemo. Kabili ubushiku bumo abikile umutondo wa menshi panshi, kabili aiminine palya, uwanenuka. Kabili palya paiminine i Cilibwe, icaiminine ku lubali lwakwe. Alandile ku Cilibwe. Amupele icakufumya amenshi ayengi ukutwala mu mweo wakwe. Abutukile mu musumba. Kabili tabwelele mukutapa amenshi, nakabili. Akwete u Mweo. Atile, “Iseni mumone Umuntu uunjebelwe ifintu fyonse ifyo Nacita. Bushe uyu te

Kristu?” Alandile ku Cilibwe, kabili ne Cilibwe caletele amenshi ya Ciko.

²⁰⁹ Kwali umwanakashi umunono uyo uwaposele ulupiya lwakwe pali ba dokota, ailishenye, ulya uwaposele ulupiya lwakwe lonse. Afililwe ukulesha icilopa. Ena limbi abikile ibala lyakwe mukusonkela, kabili limbi alishitishye lyena. Kabili alikele, alepikula ubushiku bumo, kabili aumfwile Icintu cimo icalaisa mu musebo. Alandile ku Cilibwe. I Cilibwe capilibwike nokutila, “Ninani uwa Nkumya?” Cena capwile lintu alandile ku Cilibwe. Amupele icalefumya amenshi aya Mweo, ico icaleseshe umulopa ukufuma. Wena walekele, bwangu bwangu.

²¹⁰ Kwali kalomba lomba impofu iikalamba iyaiminine kulubali lwa cibumba, ubushiku bumo, aletutuma kumpepo. Fyonse ifyo akwete fyalipwile. Kabili ali apa, kabili uwabulanda, na bantu balemupitililafye. Aumfwile Icintu cimo icalaisa; atile, “Cinshi ico?” Kabili alandile ku Cilibwe.

²¹¹ Nangula, ba membala wa chalichi cakwe, aba musingulwike, baeseshe ukumulesha, batile, “Takuli icakukabila. Iwe tawapokelele ico. Fumako. Ikalafye tondolo.”

²¹² Lelo alilile mukwikatisha, “Mwe mwana wakwa Davidi, kwata uluse pali ine! Kwata uluse pali ine!” Kabili alandile ku Cilibwe, kabili ne Cilibwe camupele icakufumya amenshi, kabili na menso yakwe yamwene.

²¹³ Cilya i Cilibwe cimo cine ico icali mu matololo cili na pano ileelo. Cena cilenga abantu ukusangalala.

²¹⁴ Ubushiku bumo, Yerusalemu yonse yaiminine ukumona kondapa uwa maka yakwa Lesa, kakunkuluka wa mushilo, aleingila mu musumba; na bantufye abanono abaiminine palya, balebilikisha pamuulu wa masihiwi yabo, “Hosanna! Hosanna, kuli Ena uyo uuleishila mwi Shina lyakwa Shikulu!”

²¹⁵ Balya ba membala aba mu chalichi abaipanga abene abali palya pamo ne mingila yabo iitali nabafwala, naba D.D kunuma yabo; atile, “Leken bekale tondolo. Owe, balelenga ukutalala ukupita mu numa yandi, nefyaba ngefyo. Ukulenga fyena fikale tondolo.”

²¹⁶ Atile, “Nga cakutila bena baikala tondolo, amabwe palya pene yalabilikisha.” Mulandu nshi cabelele ifyo? I Cilibwe cilya cine icaputwilwe ukufuma mulupili, ukwabula amaboko, caleisa, cilekunkulukila mu Yerusalemu. Notumabwe utunono twalenwa ukufuma kuli Cena. “Landa ku cilibwe, kabili Calaleta amenshi ya Ciko.”

²¹⁷ Nga cakutila ulefwaya ipusukilo, muno nshita ya bushiku, landa ku Cilibwe. Cena calaleta aya amenshi ya Ciko. Nga cakutila iwe walibwelela kunuma, muno nshita ya bushiku; landa ku Cilibwe, Cena calaleta amenshi ya Ciko. Nga cakutila iwe uli pano, muno nshita ya bushiku, kabili taukwete

Kristu; iwe walyesha mu chalichi conse icabapo, mu musumba, ukusanga ipusukilo; landa ku Cilibwe, Cena calaleta amenshi ya Ciko. Iwe cetekela cena? Nga cakutila iwe walibwelela kunum,a, walifumako kuli Lesa, bushe uletontonkanya tapali inshita yobe; landafye ku Cilibwe, kabili Cena calaleta amenshi ya Ciko.

²¹⁸ Bushe naucetekela ico, no mutima obe onse? Bushe naucetekela ukutila Lesa alafikilisha ico? Nomutima obe onse, bushe naucetekela ico? Alleluya! Ali pano muno nshita ya bushiku.

²¹⁹ Kabili nga cakutila iwe naulwala, kabili walyesha ifintu fyonse mwi sonde, iwe walyesha ukwisa mu mulongo wa bakupepelwa, kabili walifilwa ukwingila mu mulongo wa bakupepelwa; iwe walikwata ifitupa fyakupepelwa, kabili wali ibwelamo; waliya mukulongana kumo, kabili waile nakukulongana kumbi; walisubwa na kakumba; nawina ukupitila muli *uyu* umulongo wakupepelwa; iwe waliya na kuncende shimbi, kabili walifilwa ukundapwa, cinshi tawingalandila ku Cilibwe nomba? Ena alaleta amenshi Yakwe. Ico nacilungama. Mulandu nshi tawinga Mupelela ukwisha umuku umo? Ba mukulanshanya pamo na Ena, nomba linefye, ilyo Ali muli cino icikulwa.

²²⁰ Ukubapo Kwakwe kuli pano pene nomba ukundapa uuli onse pakati kenu. Nincetekela ico, Ninjishiba ico no mutima wandi onse. Nincetekela pali . . . Kuli ifintu fimo ifyo Nshishibe, lelo kuli ifintu fimo ifyo Njishibe, kabili Ninjishiba ukutila Yesu Kristu umwana wakwa Lesa wa Mweo, ali pano pene.

²²¹ Ilyo Ndeesha ukwita abantu kucipailo apapene, mumutima wandi, ifimonwa filelangwa monse monse mucikulwa ino ine nshita. Oh, ico nacilungama. Amaka yakwa Lesa yali pano pene. Ico nacilungama. Ni Mumona aleenda muno. Nacitampa ukumfumya kuncende imo ukuya kuli imbi, nomba line; pantu kuliko abantu abalwele muno, kabili amapepo yenu eyalecita ico; ukushininkisha i Cebo cakwa Lesa, ciletila Ali muno mwine ukuti mulande nankwe, muno bushiku, i Cilibwe cimo cine ico caimnine nokwiluka amatontonkanyo yabo. Calimwene apo namayo aali, uwakwete ubulwele bwamulopa, nafimbipo. Ena ali pano nomba. Nga imwe muli nokulanda na Ena, Alaleta amenshi Yakwe. Bushe mulecetekela ico nomutima wenu onse?

²²² Cinshi ico uletontonkanya, namayo? Pamo ne . . . Apo pene pakati. Nomba, taukwete icitupa cakupepelwapo, bushe naukwata? Namayo necintu cabuta mumukoshi wakwe, uwikele palya pene. Walikwata ubulwele bwashuka, bushe tawakwata? Taukwete icitupa icakupepelwapo, bushe naukwata? Iwe taulekabila icitupa icakupepelwapo nangu cimo. Bushe naucetekela ico? Bushe tekuti ulande ku Cilibwe? Bushe ulefwaya ukulanda kuli Ena, pabulwele kwasuka bobbe, nomba line? Iminineni pamakasa yenu kanshi. Bushe ico nacilungama?

Tilenifye, “Napokelela Yesu Kristu nomba nga kondapa wandi,” kabili Lesa ali nokukutwala ku ng’anda nokukutwala. Landa ku Cilibwe. Lesa akupale. Cisuma. Kabiye, nokuposhiwa.

223 Uletontonkanya cinshi palwa cena, wewikele mupepi naena, namayo? Iwe naukwata imishipa ikalipa mumolu yobe, bushe taukwete? Ico nacilungama. Imininako pamakasa yobe. Bushe uyo temulume obe uwikele mupepi naiwe apo? Ico nacilungama? Iwe walikwata ubulwele bwashuka, pamo, teifyo? Bushe ico nacilungama? Bika ukuboko kobe pamukashi obe. Cisuma. Imwe bonse babili mwafuma ku Illinois. Bushe ico tacilungeme? Nomba ubwelele ku Illinois, ulelanda ku Cilibwe, kabili yena ili nokukusha kabili nokukanabwela nakabili. Alleluya!

224 Ninjishiba icintu cimo, ukutula Icilibwe cili pano, Icilibwe ca Nshita ico cauminwe mumatololo. Ico nacilungama.

225 Cinshi ico uletontonkanya palwa cena, namayo umunono kulya nayalya maluba pacisote cobe? Naikala nobulwele bwakukalipa kwamafupa, aleesha ukulwisha ukuti bupwe. Iwe weupilibwike nokulolesha kumbi, bushe ulecetekela nomutima obe onse ukutula Lesa ali nokumundapa? Iminina pamakasa yobe nomba, kabili nyanta namakasa yobe pamulu-na-panshi, kabili utile, “Ukufimba kwamolu nakupwa,” kabili eflyo cili. Landa ku Cilibwe, kabili Ena ali nokuleta . . . ? . . .

226 Ndemyeba, Yesu Kristu cimo cine, mailo, ileelo, nomuyayaya. Ena ali pano ukulangisha icintu icili conse ico . . .

227 Cinshi ico uletontonkanya palwa cena, namayo uwikele palya, uwacitila, “Shikulu alumbanishiwe,” nabulya ubwafya bwabanakashi, nakanono, uufwele akakatapa katapa akalicaketi, uwikele palya? Bushe naucetekela ukutula Lesa acikuposha lilya line? Iminina, pakashitafye akanono; wewikele apo pene. Bushe naucetekela nomutima obe onse? Walikwata ubwafya bwa banakashi. Cipute. Walikwata akapunda, kulafuma ifintu ifikonkoloka ukufuma muli kena. Bushe ico tacilungeme? Nga cakuti ico nacilungama, imya ukuboko kobe. Cinshi icilenenga ine ukulanda ico? Cena Cilibwe cilelanda kuli iwe. Landa kuli Ena, nokundapwa. Alleluya!

228 Oh, ifyo Ena alefwaya ukuleta ukumonekela Kwakwe ukwa maka Yakwe! Kabili Namona Malaika wakwa Lesa, i Ntumba imo ine iya Mulilo iyakonkele abana mumatololo, ileenda ilepita muli cino cikulwa nomba.

229 Ndeesha ukusanga namayo. Alepepa. Ali kwisa pano? Uyu Naiminina. Ee, mwanakashi umunono uwiminine palya pene, uwacibili ekele mukati. Iyo, ena . . . Yena ili pamwaume, uwiminine. Ena mulume cakolwa untu ulepepelako. Bushe ico tacilungeme, namayo? Nga cakutula eflyo cili, iminina pamakasa yobe apo pene. Bushe taukwete umulume cakolwa uo ulepepelapo? Nga cakuti ico nacilungama, imya ukuboko kobe.

Landa ku Cilibwe, kabili Lesa ali nokumufumya mu—muli ico cintu.

²³⁰ Lesa alacita icili conse muno, nga cakutila iwe walacita ico. Bushe naucetekela ico? Bushe ulelanshanya pamo na Ena bwino? Nga cakutila walacita, iminina pa makasa yobe pano pene nokulanda ku Cilibwe, kabili ne Cilibwe, calaleta amenshi ya Ciko. Bushe kuti waimininako?


²³¹ Nani alefwaya Ena ukukwata ipusukilo? Imyako ukuboko kobe, utile, “Ndefwaya Ena ukwisa mu mutima wandi.” Lesa amipale. Lesa amipale. Lesa amipale. Lesa amipale, na iwe, na iwe, na iwe. Oh, owe! Ee, mukwai.

²³² Ilyo ipwalonda lyafumine pali iwe kulya, munyinane. Lyalifuma. Kabiye ku ng’anda nokuba uwa undapwa. Alleluya! Ico ca cine.

²³³ Bonse abalefwaya ukundapwa, imyeniko amaboko yenu, mutile, “Shikulu, Ndelanda kuli Imwe. Ndelanda kuli Imwe.” Ico nacilungama.

²³⁴ Ulya naya. Mista, ubwafya bobo nabufuma pali iwe. Uli muntungwa. Kabiye ku ng’anda; mwi Shina lyakwa Yesu Kristu, naundapwa.

²³⁵ Uuli onse muno, uyo uulefwaya uku Musanga nomba, imyeniko amaboko yenu nokutila, “Na Mitotela, Shikulu, pakung’undapa. Ndelanda kuli Imwe, mwi Shina lyakwa Yesu Kristu, ukutila Mung’undape.”

²³⁶ O mwe Lesa, waluse, tumeni amaka Yenu muno mubushiku, nokusuba ukwa Mupashi wa Mushilo, ilyo Ali muli cino cikulwa nomba, ukupyanga ukupita pali ili ibumba. Kabili lekeni Mupashi wa Mushilo acite icisungusho conse. Lekeni ukutila peba umulwele nangu umuntu uwalemana uwalashalako muli cino cikulwa muno bushiku. Lekeni ukutila Mundape uuli onse, mwi Shina lyakwa Yesu Kristu. 

54-0330 Ubulubulo Mu Kupwililika, Mu Kusangalala
Church Of The Open Door
Louisville, Kentucky U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti Iya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org